

中 醫 改 進 研 究 會  
山 西 太 原 省

# 醫 學 雜 誌

民 國 十 一 年 二 月

中 華 郵 政 特 准 掛 號 認 爲 新 聞 紙 類

第 五 冊

南 京 圖 書 館 藏

### 本會緊要啓事

本會現擬聘一精通鍼灸講授  
靈樞之醫士擔任本會醫校靈  
樞教習及醫院鍼灸醫士如有  
願介紹名醫應聘者即請逕函  
本會接洽爲盼此啓

### 山西中醫改進研究會啓

啓者本會名譽理事奉天立達醫院院  
長張壽甫先生著有醫學衷中參西錄  
一書溝通中西闡發醫理奇方妙論起  
死回生大有造於世界本會爲振興醫  
學救濟世人起見代爲推廣

留心醫學者亟宜購閱增長學識良非

淺鮮山西中醫改進研究會同啓

(名稱)醫學衷中參西錄上下二冊  
八卷

(價值)每部大洋一元五角郵票購  
書不收

每部七部贈一部購十二部贈二部不加郵費若  
掛號加郵票五分每包四部爲限

(發行所)奉天東關立達醫院

(分售處)山西中醫改進研究會

醫學雜誌第五冊

目錄

增聘名譽理事表

外界介紹會員錄

論說門

醫學宜參觀丹經論

十二經臟腑一系說

氣不足便是水論

呼吸器與循環器之

論血液之循環

外感之研究

西醫外科進化考

名譽理事 張錫純

理事 張思卿

名譽理事 張汝偉

名譽理事 于福生

理事 楊百城

理事 楊毅田

主任 楊永超

第五期 目錄

纂述門

生理類

論內外形臟各節之作用

衛生類

東坡先生攝養法

診治類

論中西候脈法異同

論膈噎治法

噎膈嘔血之治療

癆瘵之治療

疔疽之研究

預擬防治春溫時疫

理事 楊百城

理事 楊百城 趙意空 輯

理事 楊百城 趙意空


名譽理事 張錫純

名譽理事 尹滌塵

名譽理事 葛蔭春

理事 喬尙謙

主任 邱 紱



論霍亂之病因及治法

名譽理事 張錫純

論霍亂

名譽理事 張國華

霍亂症之研究

醫校教員 安壽增

傷寒

醫校主任 楊永超

藥物類

朴硝

與芒硝及支明粉之研究

理事 趙蓋臣

答人參問

名譽理事 陳公澤

辨東人豬子氏論人參

名譽理事 張錫純

方劑類

處方方法

理事 楊百城

醫案門

關於心理療治法 三則

二

關於命火衰弱之治療 一則

關於宗氣下陷之治療 一則

報告門

引種牛痘淺說通告

理事 劉毓麟

通訊門

張季直先生致會長書 八年七月

會長覆張季直先生書

陳蘭圃先生致本會書 八年七月

本會覆陳蘭圃先生書

陳治愚先生覆會長書 十年十月

嚴癡孫先生致本會書

本會覆嚴癡孫先生書

尹天民先生致本會第二書

本會覆尹天民先生書

本會覆孝義縣呂知事緘

胡天宗先生致本會書 并詩

楊燧熙先生致本會祝辭

譯叢門

梅毒之血清

凝固反應  
診斷法

理事 薄桂堂

雜俎門

容齋隨筆摘鈔

楊百城輯  
趙意空

本會星期徵稿選刊

問三焦有形無形

薛復初

又

米煥章

問年老溺血

曹鴻儀

預擬春溫防治法

孫景淵

本會附設針灸討論會治法選刊

水腫單腹臃脹症之針治表郭 卿

第九期 名譽理事表  
本會增聘各譽理事表

四

姓名	行號籍貫履	歷通	信處
包錫善	農輔浙江吳興		南京石壩街劉河廳對門
賀澤堯	夢蕩浙江吳興		浙江杭州中醫專門學校
謝觀利	恒江蘇		上海中醫專門學校
李鍾鈺	平書		上海南京路粹華製藥廠
時逸人	江蘇		蘇江儀徵縣十二圩人醫社
馮徽馨	盩餘江蘇		南通縣醫藥觀摩會
張壽頤			浙江蘭谿中醫專門學校
楊煥文	達夫江蘇泰興		山西財政廳
關勉	成一江蘇泰興		山西步五團二營本部
李島三			廣東普甯中國廣濟醫院中醫主任
			上海英界石路新普慶里

外 界 介 紹 會 員 錄

凡已登過名譽理事表內者不再登

姓 名	行 號	通 信 處
徐勤安		蘇州葑門內鳳凰街三十二號
高思潛		安縣姥鎮西街南烈帝巷
錢祖繩	杏菴	江蘇金山呂巷鎮
王以鈞		紹興嘉龍村
高德僧		紹興馬山村
查貢甫		松江錢涇橋
陳伯豪		廣東汕頭同益醫局
徐蓮塘		浙江慈溪縣公署
何廉臣		紹興宣化坊
曹赤電	炳章	紹興縣西橋南和濟藥局
陳龍池		江蘇揚州缺口街
曹奎	仲容	江蘇無錫城內盛巷
平定功	坦白	紹興東浦村
張拯滋	若霞	紹興漓渚村天元堂
王普耀	香岩	杭州城中
黃梅孫		梅縣南洋星加坡
吳傑三		江蘇宜陵馬家巷
竹芷熙		浙江嵗縣前街昌後藥棧
史介生		紹興鮑家橋史大昌號

以上周筱農君介紹

章壽芝	黃國材	陳守真	陳少仙	方肇元	王紀倫	甘子剛	黃肯堂	何志仁	劉希文	鮑理成	康維恂	景舜化	康煥章	朱文卿	
鎮江城內	袁州宜春城內合和店	長水鄉區第一高小校	紹興縣安昌老花行堡	蘭溪縣城內	市巷中醫外瘍病院	縣嘯金鄉甘怡茂米行	明強醫學研究社	諸暨縣楓橋商會內	第五學區黃曠村	南外天官橋縣	餘姚縣城內眼科大醫家	餘姚縣周巷鎮	浙江餘姚縣周巷鎮南橋	松江府城內荷花街	
劉吉人	岳旭堂	胡樾蓀	柴德新	李春芝	杜濟生	胡劍華	沈仲圭	羅煒彤	陳慕陶	朱竹蓀	田聘卿	吳雲青	朱明初	汪洋	
鎮江城內寶塔底	府城西外諸行橋	徽州府歙縣城內順昌隆	杭州藥馬巷一號	關下頭二百三十九號	餘姚縣周巷鎮	景德鎮河祥火油公司	杭州城運司河二十四號	縣東南鄉百廟前	皮市巷普仁醫局	蘇州直鎮	開元馱貞元堂藥局	歙縣南村培根堂	縣赤亭山桂馨書屋	上海方濱橋中西醫校	廣西柳州府賓啓榮醫館



以上胡天宗君介紹

盧育和	江蘇儀徵謝家集鄧萬育堂	洪希文	江蘇儀徵十二圩天生德
姜述臣	江蘇儀徵十二圩仁壽堂	伍筱卿	江蘇儀徵十二圩乾吉昌藥號
任養和	江蘇儀徵陳家灣大和和	趙託華	江蘇儀徵北門中西醫藥局
時芸圃	江蘇儀徵十二圩棧東	洪濟溱	江蘇儀徵新城
任紹和	江蘇儀徵十二圩棧東	王煦和	江蘇儀徵十二圩棧東
陳歧伯	江蘇儀徵十二圩天主堂	賈耀堂	江蘇儀徵十二圩德生堂
孫謹臣	江蘇儀徵十二圩中街	張國樵	江蘇儀徵十二圩尾幫
張九牧	江蘇儀徵十二圩頭幫	盧醒生	江蘇儀徵十二圩舊港
劉文軒	江蘇儀徵十二圩天生德		

以上時逸人君介紹

鍾世英	杭州城內中醫專門學校	姚柏堂	同上
鮑俊卿	同上	徐冠慧	同上
壽祺	同上	丁基	同上

第五期 會員錄

鄭祖繁 徐柏榮	同上 同上	張四維	同上
以上費澤堯君介紹			
李慰農	山東單縣北門泰元堂藥局	王桂山景文	山東諸城縣南閣街草市廣利盛號
以上王肖舫君介紹			
唐均良 劉希憲叔紳	常熟縣城內南街 湖南湘鄉縣城內	許明齋 張叔鵬	常熟東張市 蘇州因果巷
以上張汝偉君介紹			
王坦勉能	北京宣外棉花土七條		
以上山西陸軍第一旅書記尹繼祿君介紹			

論說明

醫學宜參觀丹經論

名譽理事 張錫純

內經與丹經皆始於黃帝。然內經為世俗共用之書。故其書顯傳於後世。丹經為修士獨善之書。故其書秘傳有專家。所謂教外別傳也。其後分門別派。或書籍留貽。或口訣授受。著述雖紛不一致。而當其內視功深之候。約皆能洞見藏府。朗若掣電。深究性命妙能。悟真。故其論說皆可與內經相發明。習醫者不必習其功。而實宜參觀其書也。即如中說謂神明之知覺在心。西說謂神明之知覺在腦。而丹家則以腦中為元神。心中為識神。此意可與內經脈要精微論頭者精明之府。靈蘭秘典心者君主之官。神用出焉之文相發明也。蓋人之神明感於腦而發出在心也。

又中說溺道隔膀胱滲入。西說謂膀胱原有入水之口。在出水之口下。固有脂膜。

繞護故不易見。而丹家則謂人之元氣藏於丹田。外有膈之包裹。即氣海也。氣滯之狀。下有三足。居膀胱之上。三足之中間有紅點。大如黃豆。而膀胱之上亦有此點。二點相對。溺道必然通利。若有參差。即不利。曾即物類驗之。初解剖之時。此點猶彷彿可見。作淡紅色。移時即不見矣。蓋元氣之功用。由上點透發。以運行下焦之水。飲即由下焦滲入膀胱。雖膀胱之全體皆可滲入。而此點又爲滲入之正路也。至西人所謂入水之口者。原在若有若無之間。不過爲滲入之別派耳。嘗見推拿家治小便不利。謂係膀胱稍偏。用手法推而正之。小便即利。實暗合丹家所論之理也。若篤信西說。不信水飲滲入之理。可以實驗徵之。試取鮮豬脬。滿貯以水。繩紮其口。置於新剖解之豬肉上。其水仍可徐徐滲出。能滲出。即可徵其能滲入也。

又西人謂人尿多含炭氣。不可作藥用。而中法則謂之爲還元酒。男用女者。女用男者。獲益良多。其故何也。及詳考丹家之說。知男子尿中含確質。女子尿中含

有硫質。皆可用法取出。硫者至陰之精所化。硫者至陽之精所化也。抱樸子謂男女之相成。猶天地之相生。易所謂一陰一陽互爲之根也。人果洞明其理。而善修其道。則男女尿中。確實硫質皆無。蓋因其互相攝取。即能互相補益。雖高年夫婦。亦可同登仙籙。由是觀之。人尿可作藥用。其理固昭然也。

又中法於腎藏重之曰先天。其說實亦本於丹經。丹家謂腎有兩枚。皆屬於水。而腎系連於脊梁。自下數七節之處。爲命門。是生相火。一火介於二水之間。即一陽陷於二陰之間。象應坎卦。爲先天之真陰真陽。以總司下焦水火之氣。而下焦之化精化氣。外腎之作強。二便之排泄。皆賴此水火之氣以醞釀之。鼓舞之。猶火車之諸機輪。其原動力。皆在於水火也。而西人但以迹象求之。謂內腎惟司澆水。與外腎之作強毫無關係。使明丹家之理。必不但執形迹與中法駁辨矣。

又醫家最重督任二脈。然督任二脈。針灸俱載。其可針之經絡。至其在人身果係何物。方書固未嘗言及。及觀丹經。乃知督脈貼於脊梁。下連臍下氣海。上至腦際。

俗名爲脊髓帶者是也。任脈即喉管分支。下爲心系。又下面透膈爲肝系。又下面連衝及臍下氣海。即肺心肝一系相連之總提也。知此二脈。乃知衄血之症。大循督脈。上行透腦而下。出於鼻。欬血之證。亦不但出於肺。凡心肝衝之血。皆循任脈而上出也。

### 十一經臟腑一系說

理事 張思卿

予嘗言中醫研究氣化。似鄰空虛。當於實質上求之。乃歸實用。前輩如唐容川先生多言之。按系統系也。人之臟腑皆一系之相連相通者也。就其無形而言。則曰氣。其氣之道路。全賴有形之系。以往來上下於其間。故肺有肺系。心有心系。脾有脾系。肝有肝系。腎有腎系。心包絡有心包絡系。胃有胃系。小腸有小腸系。大腸有大腸系。膽有膽系。膀胱有膀胱系。三焦有三焦之系。此十二經各有一系也。肺系與脾系相連。故同稱太陰經。心系與腎系相連。故同稱少陰經。心包絡系與肝系相連。故同稱厥陰經。此六藏相連一系也。小腸系與膀胱系相連。故同稱太陽經。

三焦系與胆系相連。故同稱少陽經。大腸系與胃系相連。故同稱陽明經。此六府相連一系也。又肺系與大腸系相通。故曰肺合大腸。心系與小腸系相通。故曰心合小腸。脾系與胃系相通。故曰脾合胃。肝系與胆系相通。故曰肝合胆。腎系與膀胱系相通。故曰腎合膀胱。此藏府表裏相連一系也。由手太陰肺系傳手陽明大腸系。手陽明大腸系傳足陽明胃系。足陽明胃系傳足太陰脾系。足太陰脾系傳手少陰心系。手少陰心系傳手太陽小腸系。手太陽小腸系傳足太陽膀胱系。足太陽膀胱系傳足少陰腎系。足少陰腎系傳手厥陰包絡系。手厥陰包絡系傳手少陽三焦系。手少陽三焦系傳足少陽胆系。足少陽胆系傳足厥陰肝系。足厥陰肝系復傳手太陰肺系。此藏府兩刻次第循環之一系也。即如一日以十二經配十二時。寅時始于手太陰肺系。丑時終于足厥陰肝系。其中次第循環亦如兩刻次第循環之一系。又如一年以十二經配十二月。正月建寅。始于手太陰肺系。十二月建丑。終于足厥陰肝系。其中次第循環亦如一日次第循環之一系也。要之

醫

學

雜

誌

五

人即機器。氣即電。系即線。電緣線而傳氣。即由系而行。其理一也。

### 氣不足便是水說

名譽理事 張汝偉

丹溪謂氣有餘便是火。謬竊疑之。夫精生於氣。氣生於水。水化氣而爲精。水之所以能化氣者。賴脾胃之調和。食穀得化而精乃成。此精字之所以從米也。是以聖人御氣如持至寶。誠以血傷能養以調之。氣則難猝復也。君火以明。君火即少火。少火生氣。是有益于氣之火也。相火以位。相火即壯火。壯火能食氣。是有損于氣之火也。夫少火既能生氣。則氣不嫌其有餘。壯火能食氣。則氣常虞其不足。斯氣有餘便是火之說。愈足滋疑也。管凝齋先生云。此氣專以病氣立論。言六淫之氣有餘。蘊久皆得化火。即熱病爲傷寒之類解。與理稍合。然非所以論人身固有之元氣也。人身元氣萬無有餘。祇虞不足。苟不斲傷。已足康強而盡天年。一有不足。遂能致病。其所以致不足之故。便是水不化。氣何以言之。經曰。飲食入胃。上輸于脾。脾氣散津。上歸于肺。通調水道。下輸膀胱。水精四布。五經並行。是飲食入口。五



藏即司其能。脾爲腐熟之機。胃爲倉廩之海。肺得其清精。腸注其糟粕。膀胱司氣化之樞紐。心藏爲生血之基礎。肝液胆汁亦常注其新而排泄其濁。三焦連網。得以滋養。五藏六府各有妙用。而元氣乃得健旺。精神乃得發育。若先天既虧。後天又弱。飲食入胃。脾鈍胃滯不能熟化。則飲食之精反留而爲病。輕者爲積爲滯。重者爲痰爲飲。是化源不利者。氣多弱。痰飲有宿者。氣多促。發聲洪亮者。氣旺。發音如水鷄者。氣每急也。遺精之後。其氣愈弱。大吐大泄。其氣非脫即離。凡此諸症。何一非水不化氣之明徵耶。王旭齋先生謂氣即無形之水。旨哉斯言。余故謂治病不理其氣。非真治也。治氣不治其水。亦非溯源之法。爰反丹溪氣有餘便是火之說。而作氣不足便是水之論。以與海內外大方家一研及之。

### 呼吸器與循環器之關係

醫校 教員 于福生

中醫重氣化。誠以人生以氣血爲主。受天地之氣而運化之。健康狀態始得維持。茲就西醫呼吸器與循環器之關係的見解。解釋中醫氣化之理。適相符合。亦不

可謂中西醫理全相懸殊也。呼吸器者肺爲主體。所以受天地之氣者也。循環器者心爲主體。所以運化氣血者也。茲申言之。肺由無數之彈力性小肺泡集合而成。由口鼻吸入空氣。經過大小氣管枝而達於肺泡中。肺泡容納之而膨大。肺泡之壁本極菲薄。因膨大而愈甚。密布於肺胞壁中之毛細血管亦愈爲外露。即血與氣之接觸至是而最爲密切。於是空氣中之養氣輸入血內。而血中由身體各部運來之炭氣悉行排除。隨呼氣而吐出。如是交流不已。乃將暗赤之靜脈血。全行變成鮮紅之動脈血。蓋呼吸器之大作用即在清血。而清血之要點即在此氣化也。循環器即血行器。因血脈循行全身故名。別爲大循環及小循環。皆由心主宰之。其由心出而週行於四肢頭顱胸背等部者。謂之大循環。其由心出而週行於肺藏者。謂之小循環。大小循環由心而聯絡貫通。即由小循環血在肺中經營吸養吐炭之機能。化汚血爲鮮血。富有養氣。流入心內。由心之收縮。將此富有養氣之鮮血。壓入大動脈內。經過小動脈而輸運於週身。一路銷費其養氣。化成溫

熱。隨時發生炭氣。此無用有害之炭氣。即被流過之血液吸收。因之鮮血漸變暗紫。及至終末。鮮紅之動脈血。復全變為污暗之靜脈血矣。此靜脈血還流於心臟。再由心臟之收縮。壓入於小循環。而入於肺。復與外氣相觸。再將污暗之靜脈血。化為鮮血。而流入心臟。如是循環不已。以盡其氣血運化之功。而維持人之健康。呼吸器與循環器。實有若大之關係。以之說明氣化之理。誰曰不宜。

### 論血液之循環

理事

揚百城  
趙意空

血液循環之理。西國絲哈佛氏闡明。而我國立說。則肇始岐黃。觀十二經脈循行之序。即可以恍然悟矣。十二經脈之循行。自手太陰肺始。至足厥陰肝終。肺者榮衛交會之處。中焦取汁。受氣變赤。是為血。此奉心之血所由始也。故脈始於手太陰肺。一呼脈行三寸。一吸脈行三寸。脈行則血行。歷一十六丈二尺而終於足厥陰肝。是肝者。迺血滙聚之處也。脈終肝。經由是復貫鬲上。襲於肺。是又受氣變赤矣。西醫言迴血。迴行至心。右上房有一總管。接迴血入心中。落右下房。又一總

管。運血出而過肺。被肺氣吹去紫色。遂變純赤。運入心之左上房。著左下房。又有  
 一總管。運血出行。遍於周身。迴轉於心。我國言血液之循環。則始手太陰肺而終  
 足厥陰肝起訖。分明營營不已。如環無端。是可為彼此互證之一助云。

外感之研究

理事 楊韞田

外感無不由肺而入。特從入之途異耳。其途有二。曰毛孔。曰鼻孔。然由毛孔入者  
 最少。而由鼻入者最多。且甚複雜也。毛孔之感。唯一於寒。何也。刺傷割傷。最淺者  
 不成病。蜂蠶之毒。雖疼而不成病。灸傷亦不成病。熱則汗出。亦不成病。惟濕浸則  
 癢或爛。亦無大病。若夫寒。一侵皮膚。則毛孔起粟。而肺先感其寒。鼻為肺竅。先窒  
 而有清涕。皮毛孔塞。發熱而無汗。此純粹表症也。汗則愈矣。輕者能自汗而愈。重  
 者不表不愈。此真傷寒也。肺先有熱則為嗽。否則噦而胸膈間似有一寒。雖嘔亦  
 不出。鼻部不能辨臭。口亦不能辨正味。不治亦可自愈。惟需時稍久耳。其重者亦  
 可致命。然與內經熱病及傷寒論之傳經法。不能符合。蓋雖為真傷寒而非古所謂傷寒也人之周身皆

爲皮部。然獨風府、肺俞感病最速。餘部受寒不甚成病。遊人研究毛孔。確有呼吸力。然所吸甚微。且由孫絡入。大絡入。府入。藏乃甚難。故他邪由毛孔入者。不易成病也。鼻孔則不然。呼吸無已時。則一切空氣所含邪毒。皆可吸入。不可積少而多。直接通肺內部。邪毒可直入肺內部。而肺之傳。常先至少陽。其由血傳入者。足少陽先病。乃柴胡病也。重則爲癰。其由水道傳入者。手少陽先病。承氣病爲大腸有熱者。蓋手少陽實包大腸也。手少陽本病。爲白虎病。痘疹等病。皆手少陽標病也。二少陽脈本相通。亦有時成柴胡病。其傳經法。往往同於傷寒論。一切瘟疫。皆此類也。其最重之瘟疫。直接病肺。則爲肺炎。及癆。及白喉。柴胡病可轉爲痢。三焦病可先成霍亂。水泄。凡皆邪毒由鼻孔感入者也。夫寒可禦也。今人之受寒。少於古人者。禦寒之方備也。若夫附於空氣之邪毒。呼吸既不能閉。則防亦無法。今人之瘟疫。多於古人者。即空氣中毒菌。多於古時之証也。古無痘症。梅毒即此理也。雖然防之亦可稍輕。其防也。非西法防疫之謂也。平人血分無內熱者。則邪不傳。血氣分無內熱者。

則邪不傳。三焦雖傳亦甚輕。然則內熱者感邪之媒。藥也。常清內熱。即防邪毒之善法。可不慎歟。

## 西醫外科進化考

續第四期

醫專學校  
教務主任

楊永超

第十八世紀之外科。外科至十八世紀中葉始形起色。爰有大學校者出而注重外科之教授。進步頗堪稱道。軍醫一門。尤所研究不遺餘力。自法國於一七三一年設立翰苑式外科大學以降。益見外科發達。直可與內科并立。世人亦不復有賤視之觀念。由歷史上溯。迨至此。可謂障礙悉除。有進化而無退步矣。

凡一事之結果。悉視其造因若何。即如外科一門。在昔爲人所賤視。其進步濡緩。爲勢所必然。迨至賢哲並起。視外科爲可貴。朝夕提倡。研摩發衆人之驚醒。而衆人皆知其可貴。於是共擁護之。鼓勵之。其結果之美滿。不難逆揣。此舉首於英法二國。規之。蓋今日號稱之文明學術。悉於是胚胎焉。此即其美滿之結果也。厥後六七年。德國亦奮然興起。創設外科於大學。惟偏重理想。不無缺憾。且有一大學

教授某君於教授外科以外。專注意解剖學。植物學。化學等科。直視外科爲點綴品焉。舊觀念之牢不可破。有如是者。更有某大學教授名哈萊爾(Haller)。足不出化驗室一步。深懼有害於人。平生不敢奏手術於病者之體。其學理之有無舛誤。亦終不能明。誠所謂故步自封者矣。而同時崛起之普魯士與大利俄羅斯等國。對於外科。亦猶魯衛之政。無足稱述。且專注重軍醫之設備。未免罪一漏萬。其意殆受英法文明之輸入。不得不勉效東轡。其實去真面目遠矣。

十八世紀有名之外科家在法國曰潘第德(Petit)。亦出身於雜髮匠。擅長拉丁文。年四十而無聞焉。但其人工解剖術。實一智勇兼備之外科家。千載而下。人共仰之。

英國之外科家。聲望與法國學者無甚軒輊。自哈爾威(Harvey)以後。人多精於解剖術。若論外科學家。則洪太黎氏(Hirvuter)當首屈一指。

意大利之外科學家曰奴康把(Charrpa)者。當十八世紀。不甚著名。核其生平

學說得力之時。惟在十九世紀。人之顯晦豈有定哉。

德國於十八世紀時之外科。大半趨向理論。不覈實是。已如上所述。但亦人材輩出。不乏知名之士。如何士德氏 (H. H. H. H.)。大學教授。著外科專書一部。當時人士極相推崇。尙有其他先哲。多以軍醫稱於世。然皆不足語於今日之外科家耳。

第十九世紀之外科。外科學自十八世紀人皆起而講求。故其術益精。進迨至十九世紀末葉。巧妙已絕。出人意料。殊堪驚異。推其得加之點。蓋因麻醉術 (J. A. Rose) 局部無痛術 (Bacateleuralsthesie) 防腐術 (Antiseptica) 消毒術 (Desinfectis) 等。皆闡明備至。用以佐奏手術。可使病者不感絲毫苦痛。外科奏刀家。即可從容運其匠心。以求手術之盡美盡善。是不啻導公輪以規矩。儻儻班以斤斧。非小補也。

外科學蒸蒸日上。誠爲生人莫大之幸。但若考其進化。究達於何境。蓋又有一缺。然



弗備者。如關於精神界之疾患。外科家對之。仍覺遜謝不遑。豈非憾事。若論其他之內科病。凡不屬精神界者。頗皆可以外科家之刀鋸割除之。內科較之。每嗟乎其後。且欲引外科與之同化。不復故作界限以鳴其內科之高矣。故昔人重觀內科而不屑談外科之惡習。至此始缺其癥。遂令數千年之舊觀念。一律割除。且扶置外科於高座而虔拜之。亦外科業之普譽哉。

然則十九世紀之外科。究以何國為卓越乎。說者謂法自昔以外科著稱。至此仍當推為巨擘。但英國外科家。旋亦接踵而起。其學理之湛深。才思之敏慧。殊稱特色。而於外科工藝。尤講求無遺。其惟一之新式外科家。名李思泰 (Lister)。嘗發明手術消毒。及崩帶消毒法。為外科界放一極大光彩。李氏曾業外科醫士於哥羅斯高 (Yeas Fow)。嗣又作太學教授於英倫。卒於千九百十二年二月十日。遺愛在人。名享千古而不朽。懿歟盛哉。

自是厥後。凡屬文明國族。對於新式外科。無不殫精竭慮。其成績尤著者。尤推北

美合衆國。彼邦人士之業外科者。率能苦心孤詣。臻於絕妙。其技術之高。不惟自足。英雄。抑亦爲衆邦所矜式。

俄羅斯之外科。至十九世紀。亦大有進步。其著名之外科家曰皮樂泉 (Pirogoff) 有外科泰斗之目焉。

德國之外科。至十九世紀。驟然超越尋蹊。雖視英法較爲幼稚。然攷其建樹之事。足以震鑠古今。而不可淹沒。且名賢輩出。至二十四世紀而益盛。蓋所謂大器晚成者歟。計其外科前輩之享盛名者。如開林氏 (Kern)、華爾泰氏 (Walther)、陸思德氏 (Dust)、狼根拜科氏 (Langenbeck)、譚客斯德氏 (Textor)、吳採離氏 (Suttor) 等。皆爲一八六三年以前之外科專家。至於晚近諸外科名流。錚錚佼佼。都不可勝數。二十世紀之醫學。各國公認德國醫學爲世界之冠。觀夫英法嫉之。而見絀。日本仿之。而稱強。有以哉。有以哉。完

# 纂述門

## 生理類


論內外形臟各部之作用

續外形內景通釋

理事 楊百城

人身之組織。分爲二層。皮毛肌膚筋骨包裹支柱於外。五臟六腑發育生成於內。而構成一完全之人體。此一構成完全之人體。果何以能活動而施其種種作用乎。蓋必有主宰之者也。西洋歸於腦氣筋。東洋譯作神經系。謂腦充頭殼內質軟色白。形畧如卵。分左右兩半。面多皺紋。後部下層有小段皺紋。異於上層。曰小腦。上層曰大腦。小腦體積約大腦八之一。腦之根蒂。延展而漸下。填塞於脊柱骨洞。而達於腰際。其未出頭骨者曰延髓。處脊柱洞者曰脊髓。神經或生於腦之根蒂。或生於脊柱之兩側。皆左右對生。腦及脊髓稱曰神經。中樞神經中樞。由知覺神經以受外物之感觸。由運動神經以利筋肉之伸縮。故人之知覺運動。無不本於

### 督 脈 圖



神經之命令。證之中國經說。督脈由脊貫腦之部以下。交感於任脈也。督脈屬腎。中國所謂腎非專指內腎言。乃統腎所主之各部而言。是廣義而非狹義也。故經曰。腎藏志。又曰。腎為作強之官。伎巧出焉。皆所以闡明知覺運動之所本而督脈由脊貫腦以下。交感於任脈。實為施其作用。則西國所謂腦氣筋。固不能外此矣。

圖布分經神膚皮面前體身

- 一 額神經
- 二 三叉神經
- 三 迷走神經
- 四 迷走神經
- 五 迷走神經
- 六 迷走神經
- 七 迷走神經
- 八 迷走神經
- 九 迷走神經
- 十 迷走神經
- 十一 迷走神經
- 十二 迷走神經
- 十三 迷走神經
- 十四 迷走神經
- 十五 迷走神經
- 十六 迷走神經





圖 布分經神膚皮面後體身



一 三叉神經第枝  
 二 第三第四頸椎神經  
 三 脊髓神經  
 四 頸部神經叢  
 五 第一第二肋間神經枝  
 六 尺骨神經光月枝  
 七 腹部側皮下枝

八 薦骨尾閶骨神經  
 九 內上臂神經  
 十 腰神經叢  
 十一 薦骨神經叢  
 十二 大腸神經  
 十三 淺在膀胱神經  
 十四 後脛骨神經

督脈即腦氣筋疏證

星期報稿改孫景淵卷

攷西說之論腦氣筋也。腦底有腦氣經九對。第一對入鼻司聞香臭。第二對入眼球司觀萬物。第三四六對入眼肉司運動。第五對每分前中後三大支。前支從眼上窠上孔而出分布於頭中。次支從眼窠下骨路而出分布面上。亦分小支入上牙床散布上齒後。第三支入下牙床。分佈下齒從外孔出分佈下頰。又分一支入舌。此三支俱司覺痛癢。第七對分二支。一支入耳內司聽聲音。一支出耳門應分佈面部司運動。此支若壞則眼口歪邪。第八對傍氣喉而下入心肺與胃司運用。第九對入舌司運動及辨五味。又由大小兩腦直生而下。自枕骨大孔過頸骨背骨。直至腰骨之次節而止。上下畧大。而中略小。自頸背骨第三節至第六節左右分派腦氣筋入手。自背骨第十節至腰骨。第一節左右分派腦氣筋入足。脊柱左右共生出腦氣筋三十一對。由此觀之。人之周身無非腦氣筋之彌綸充周也。中國伊古以來論腦而未聞腦氣筋之說。自新醫學

輸入。震之驚之。遂蔑視古義爲陳腐而不足存在。以此誣經。是謂侮聖。余嘗即經文申論而說明之。經云腎生精。精生髓。髓生骨。此爲推究脊神經之根源。又云人始生。先成精。精成而後腦髓生。此爲推究腦神經之根源。然此究屬言脊髓也。言腦髓也。烏在其有合於西洋腦氣筋。東洋神經系之新說耶。不知我國所論督脈。自脊貫腦。是即西洋之所謂腦氣筋。亦即東洋之所謂神經系也。督脈屬腎。而經曰腎爲作強之官。是人生運動之根器。在是。督脈上巔。而經曰頭爲精明之府。是人生知覺之官能。在是。是故經於督脈。嘗三致意焉。一以督脈弁冠奇經八脈之首。一以督絡詳明十有五絡之中。其說明督脈也。曰督脈起於腎中。下至胞室。乃下行絡陰器。循二陰之間。至尻貫脊。歷腰俞。上腦後。交巔。至顛會入鼻柱。終於人中。與任脈交。其說明督脈之別也。曰督脈之別。曰長強。夾脊上項。散頭上下。當肩胛左右。別走太陽。入貫膂。晉皇謚輩疏釋督脈經穴。復備論某某經穴當某某雜下。而一二詳其督脈氣之所出。然則西人所論腦



氣筋知覺運動之功用。即就經穴下求之。亦已昭然若發矇矣。長強在脊骨之下端。腰俞在尾閭骨之上部。此二穴處有尾閭骨神經及薦骨神經之後枝焉。所以領足跖股膝之運動也。命門在第十四椎下。即第二腰椎。懸樞在第十三椎下。即第一腰椎。是皆脊椎神經之區域焉。所以領膝伸股屈之運動也。脊中在第十一椎之下。即第十一胸椎之部。筋縮在第九椎下。即第九胸椎之部。以及第七爲至陽。第六爲靈基。是皆肩胛神經之區域焉。所以領腹部筋之運動也。神道在第五椎下。即第五胸椎。以及第三爲身柱。第二爲陶道。第一爲大椎。是皆肩胛背神經之區域焉。所以領骨間之運動也。若夫風府腦戶強間。是皆後頭動脈及大後頭神經之區域焉。所以領上肢腕肩胛膊橫隔膜與胸鎖骨之運動也。攷督脈從脊上至風府。入屬於腦。其在大椎穴與手足三陽之脈交會。至瘖門與陽維交會。至百會與太陽交會。至鼻柱與陽明交會。下至人中與任脈交會。西醫所謂腦底腦氣筋九對。無非分布督脈經穴及督脈與他經脈。

交感之部。以領頭面運動知覺。所謂顛顛三。又迷走等神經。以及嗅聽視味諸神經所在。走於鼻以領嗅覺。走於耳以領聽覺。走於目以領視覺。走於舌以領味覺。胥統括於此。日本岡本愛雄著經穴解剖法。顧鳴盛譯可以印證。則西說腦氣筋即中說所謂督脈也。固彰明較著矣。

### (衛生類)

#### 東坡先生攝養法

理事 楊百城 趙意空 輯

東坡謂李方叔與李祉言曰。某平生於寢寐時。自得三昧。吾初睡時。且於床上安置四體。無一不穩處。有一未穩。須再安排令穩。既穩。或有些小倦痛處。畧按摩訖。便瞑目聽息。既勻息。宜用嚴整其天君。四體雖復有疴癢。亦不可有蠕動。務再定心勝之。如此食頃。則四肢百骸。無不和通。睡思既至。雖寐不昏。吾每日五更初起。櫛髮數百。頰面盡。服裳衣畢。須於一淨榻上。再用此法。假寐數刻。其味甚美。無涯通夕之味。殆非可比。平明吏徒既集。一呼即興。冠帶上馬。率以為常。二君試用吾

法。自當識其趣。慎無以語人也。天下之理。能戒。然後能慧。蓋慧性圓通。必從戒謹。中入。未有天君不嚴。而能覺悟圓通者。此也。

東坡云。嶺南天氣卑陋。氣蒸溽。而海南尤甚。秋夏之交。物無不腐壞者。人非金石。其何以能久。然僂耳頗有老人。百餘歲者。往往皆是。八九十歲不論也。乃知壽夭無定。習而安之。則冰蠶火鼠。皆可以生。吾當湛然無思。寓此覺於物表。使折膠之寒。無所施其冽。流金之暑。無所措其毒。百餘歲何足道哉。彼愚老人。初不知此。特如蠶鼠生於其中。兀然受之而已。一呼之溫。一吸之涼。相續無有間斷。雖長生可也。莊子曰。天之穿之。日夜無間。人則固塞其竅。豈不然哉。九月二十七日。秋霖不已。顧視幃帳間。有螻蟻。帳已腐爛。感歎不已。信乎。書此時。戊寅歲也。

東坡云。前日與歐陽叔弼。晁無咎。張文潛。同在戒壇。予病目昏。將以熱水洗之。文潛曰。目忌點洗。目有病。當存之。齒有病。當勞之。不可同也。又記魯直語云。治目當如治民。治齒當如治軍。治民當如曹參之治齊。治軍當如商鞅之治秦。頗有理。故

追錄之。

無事靜坐。便覺一日似兩日。若能處治此身。常似今日。得至七十。便是百四十歲。人世間何藥可能有此效。既無反惡。又省藥錢。此方人人收得。但苦無好湯。使多嚥下耳。未完

(診治類)

(診法)

論中西候脈法異同

理事

楊百城  
趙意空

中國診脈之用指法

診脈之道。度形體以別大小。至數以紀遲數。往來以循滑澹。部位以度長短。舉按以驗浮沉。本此十則。脈狀之常變。庶幾其得矣乎。余按盧之願學古診則。尤以指法爲診切之第一義。其言曰。常也變也。所重固診切之十則。而吃緊又在指法之捷取。如以目視色。以平稱物。此秋毫之無可避者。甚矣指法之難言也。世多習矣。

而不察。猶令無目人而辨皂白。無鍼平而衡分兩矣。蓋人中指兩節長。無名食指上兩節短。此參差之不易齊者。若按尺排指疎。則踰一寸九分之定位。排指密。則又不及尺寸三停之界分。此猶其小者。顧指節之參差。雖疎與密。咸難舉按。不但腕不能舒。肘亦牽於動轉。必藉肩之提攝。或得指頭上下。久則腕即不仁。臂亦瘦削。罔覺矣。又何能別形體。紀至數。循往來。度部位。驗舉按。以及去來乎。是誠令無目人而使之辨皂白。無鍼平而爲之衡分兩。其可得歟。是必三指齊。截斯中指翹出。而後節節相對。自不待腕之能舒。而節無不轉。轉無不活。即無名指之屈而未伸者。伸矣。衆指之伸而未屈者。屈矣。真類鍼平。輕重毫末。無容隱者。故指法之宜早辨也。第惟食指肉薄。而靈中指則厚。無名指則更厚。木故必用指端。稜起如線者。名曰指目。以按脈中之脊。無論洪大弦革。即細小絲微。咸有脊焉。不啻睛之視物。妍醜畢具。古稱診脈曰看脈。可想見其取用矣。故指法尤爲緊要。

### 西人模脈之用表法

第五期 醫道門

昔西人之入中國也。甚議中人診脈獨取寸口之非。謂心一躍。周身之脈皆躍。胡獨取寸口。不知此乃手太陰肺之動脈也。經言榮衛大會於手太陰肺。亦即西人迴血換氣之理。與心臟關係。至爲密切。越人獨取寸口。固未可非也。後西人研究脈搏。且製有脈表診病。亦置於腕部。即寸口以測之。所謂脈表者。一曰檢脈器。檢脈器之種類甚多。構造亦不一。其中至要之機關。不過三種。一曰撥條。一端固着於器。一端壓於動脈。所以傳搏動者也。二曰描筆。其作用恰如第二類槓桿。一端固定於器（能自由迴旋）爲支點。一端（以尖鋒）着於塗煤板爲重點。近於支點之處。着於撥條爲力點。脈跳則撥條動。撥條動則描筆亦動。此描筆以力點與支點之距離極近。故脈跳雖微。而描筆尖端之移動甚大。能描出極大之凹凸線也。三曰塗煤板。觸於描筆尖端。能自移動。以受描筆描凹凸線者也。此凹凸線曰脈波線。脈波線之一昇一降爲一波。脈之一波。適合心之一搏。上昇線適當動脈之擴張。下降線適當動脈之收縮。上昇線其峻者。因動脈擴張甚速故也。下降線較平者。

因動脈縮小較緩故也。用此器可以得各種脈之效象。西人論脈有專書。斯亦吾輩借鏡之資矣。

編者曰。中人診脈以指。脈之效象。由指而得。西人檢脈以器。脈之效象。由器而傳。由指而得者。必須默悟於心。由器傳者。不難顯呈於目。一虛一實。霄壤判矣。然欲使由指得者。不翅器傳。則莫如注重指法。於脈之形體大小。至數遲數。往來滑濇。舉按浮沉。十則中。動而求之。自無遁形。而又合之以證。以形。以時。審其孰宜孰忌。用以斷吉凶。決生死。安見古今人不相及耶。否則徒憑口說。誣罔病家。漫無定準。何怪不值西人之一喙也。

(治法)

論膈噎治法

名譽理事 張錫純

膈噎之證。方書有謂賁門枯乾者。有謂痰涎壅滯者。有謂衝氣上衝者。鄙人向謂此證係中氣衰弱。不能撐懸賁門。以致賁門縮小如藕孔。則痰涎易於壅滯。因痰

涎壅滯。則衝氣易於上衝。以致不能受食。遂用仲景旋覆代赭石湯。重用赭石至八錢。又加生血滋液滑潤之品。以治此證頗有效驗。載於拙著衷中參西錄。名之曰參赭培氣湯。然自擬此方以來。治愈者固多。而間有利服其方甚效。久服之轉無效者。躊躇再四。不得其故。亦以爲千古難治之證。原不能必其全愈也。後治一叟。年近七旬。住院（奉天立達醫院）月餘。已能飲食。而終覺未能脫然。後出院歸家。聞其歸後七八月。病又反覆。遷延兩月。吐膿血。若干而卒。乃恍悟從前之未能脫然者。係賁門有瘀血腫脹。若於方中兼用破瘀血之藥。當能全愈。又何至後日反覆而變爲胃潰瘍證乎。又向曾聞有患膈噎者。偶思飲酒。盡一壺而霍然病愈。家人疑之。驗其壺中有蜈蚣一條。甚巨。乃知其病愈之由。非由於飲酒。而由於飲煮蜈蚣之酒也。徧詢醫者。莫明其理。即鄙人初聞之。亦殊悶悶。今乃知其賁門有瘀血腫脹。將成瘡瘍。故不能受食。蜈蚣爲治腫瘍之要品。又助以酒之散力。且飲下與賁門直接。非若病在他處。必隨氣血流通而後能達。故其奏效甚速也。後觀



天津盧氏醫報。亦謂治膈噎當兼用古下瘀血諸方。愈後且無再發之厄。不覺撫掌稱快。蓋深快夫鄙人所懸揣者。誠爲不誤。而千古難治之證。從此皆可治愈也。

### 噎膈嘔血之治療

名譽  
理事 尹滌塵

脫姓童。年十四歲。患噎膈。每食後必吐。延醫調治三月餘。病勢未減。反加嘔血。求治於余。診其右關脈弦滑而虛。顯係久嘔傷胃。胃陽不敷。痰凝氣滯。藥傷血分。遂投以仲景旋覆代赭湯。一劑輕。三劑止。四劑全愈。改服香砂六君子收功。

### 癆螺痧之治療

名譽  
理事 葛蔭春

光緒十九二十年間。吾揚盛行癆螺痧之證。其證初起。微有寒熱。自利汗出如雨。目眩煩渴引飲。一夜而大肉竟脫。螺癆音啞。瘦如柴。冷如冰。人事清白。兩日而死。死亡相繼。甚至有全家傳染而斃者。然所受病之人。大半皆苦工食力。士大夫恒不多見。聞城醫工。咸以乾薑附子爲劑。毫無效果。余時年方三十餘。苦思窮索者三晝夜。忽然而大悟曰。此大熱積中。焦寒痰覆。蓋於上也。胃主津液。脾主肌肉。大

熱耗蒸。焉能不汗。兩肉脫。音嘎螺癩。汗既如雨。標陽大傷。焉能不體冷如冰。雖冷如冰。而不畏寒。所謂病人身大寒。反不欲近衣者。寒在皮膚。熱在骨髓也。太陰所致。爲下利。故自瀉。病積在中。未犯上焦。所以人事清白。如此汗利一晝夜。氣津兩脫。焉有不死之理。絕非尋常藥石所能挽回。必得一瞑眩之品。不藉中焦輸送之力。而速行如雷之性者。或可轉機。予因思得二法。一仿救服生烟之法。用濃礮砂水和入。馮了性藥酒。任意灌之。以鵝管探吐。未吐之先。預備金汁。犀角末。紫雪丹。人參湯。以防痰出而積熱暴升。直犯心肺。一仿伏陽治法。任意灌以涼井水。探吐之。仍如前此之預備。適予住宅左右皆窮民苦力。予既籌備齊全。用試第一法。吐出冷白粘痰成盆。旋即汗止。而煩躁譫狂。目勤併作。與以紫雪金汁。一夜而瘥。斯時予所僱之轎夫曾貴。病大作。渴欲飲冷水。同儕勸不與。曾自取飲盡兩大碗。吐出白痰成盆。旋即狂躁。始向予求藥。予聞而大喜。第二法驗矣。與以紫雪而瘥。

### 膀胱之研究

理事 喬尙謙

產後臍疽一症。害人最速。苟醫治不得其法。其傾人性命。有如反掌。考之古人醫

書。從無治是症方法。書亦後世新增之症。按後世新增之症甚夥。如漢增天花。明

白喉。羊毛瘟。胎疽等症。亦其類也。其殆五運六氣錯綜變化。所謂生物不測。即害

人之病。亦有生生不已之勢。然則臨症之人。又烏可拘於古書不見而遂一概抹

耶。然之數十年前。始發現於陝西。遞次東漸。而我晉遂有斯害。○考其來原。當由得

病之人。血內含有此種毒菌。此種毒菌。發病最速。故其來亦甚猛。余嘗以西人治

西醫之友人張君履詳。據云。西醫治胎疽。用血清空針然此種症候。每蘊毒於未

產之前。而其發病。又每在於生產以後。此種離奇症驗。乃與吾等為醫者。以最有

研究之價值者也。蒙竊思之。此種毒菌。寄生於婦人之血內。最宜。惟婦人每月經

期。專排泄血中之不潔廢料。或此種毒菌。亦由排泄而減少。故未受孕之婦。當無

大害。若一經受孕之人。其血分專養胎氣。既絕排泄之出路。則此種毒菌。因有所

阻遏。而毒愈甚。然當未產之前。榮分殷實。尚足相抵。一經產後。氣血大虛。其寄生

於血分之毒菌。乃得乘隙而大肆其虐矣。意者此症不發於產前。而發於產後。即

第五期 醫述門 三十三

此理由歟。○其現象。初來多兼外感。發熱。頭痛。脈洪數有力。心煩。似疔毒走黃。又有內疔。疔外疔。疔之別。其害之烈。直等於近世之核疫與疔毒。第核疫與疔毒。不拘男婦老少。此則專發於產婦。且核疫與疔毒。不拘全身何處。俱可發生。此則專發於下身腰間與胯際。為不同耳。核疫有現核者。有不現核者。醫家謂不現核較現核者尤重。此症之分。外內亦猶夫是。臨症者須細心審查。不可稍涉大意。致其變生不測也。○預防之法。凡婦人產後三日內。臨臥時。須覓得農夫臭汗舊鞋數隻。向火烤熱。輪熨於兩胯之上。熨時務須時間深長。便可免此症之發生。此最簡便最穩當之法也。何候辱室者謹記。於初生時依法為之。此預防之最善者也。○外治之法。按此係治外疔疔之法。若內疔疔。專仗用藥內消。外固無從治之也。凡產後胯間忽痛。或發現麻木。或心內煩燥。當細審其腰間胯上等處。如有腫核。或紅片。或紅點。或毛眼不順。但肉皮與尋常異色。使須謹防此症。外治之法。用三稜大針。向患處。或紅片。或紅點。或毛眼。或上橫刺五針。刺五七分之深。用火罐向刺處將毒血吸盡。取葱白搗爛。並桐椒末少許。用生白

布包安於患處。取熱烙鐵隔布熨之。時間亦須深長。余見有隔十數日一拔火罐。連刺十數次。連拔十數火罐。而病始愈者。其更內服消毒之劑。庶幾有瘳。西人凡產後必用藥水將產婦洗滌乾淨。所

以患此者甚少。此或一減少此病之一因。並可與前防法參看。○方劑 三合湯

見寒溫 普濟消毒飲。常用吳 紫金錠。心煩 仙方活命飲。可選 青蒿龍甲

飲。骨蒸者 龍胆瀉肝湯。肝脈獨勝 回生丹。大腸結 又有專治疔瘡傳鈔之三方。

(原注)疔瘡有內外之分。內疔瘡急。毒攻於裏。至多十日而生命以傾。外疔瘡緩。

毒發於外。數月之間。成瘡癰之形。苟不知治法。如疔毒走黃。而生命亦殞。此刺法。

熨法。詳前與服藥託毒內消。所不可缺一者也。茲有經驗按日治疔瘡三方。開列

於後。

三日疔瘡藥方 計日之數當以疔瘡發現後計算

當歸 一兩 川芎 五錢 丹皮 二錢 益母草 三錢 黑荆芥 二錢 乳香 一錢 山查肉 三錢

桃仁 七粒 引用蓮葉一塊水煎服

六日上騰疽方

當歸一兩 川芎五錢 潞參三錢 荆芥一錢 益母草三錢 引用生薑煎服

十二日臍疽方

潞參一兩 生黃芪一兩 當歸五錢 丹皮五錢 紅花一錢 薑炭五錢 茯苓五錢

預擬防治春溫時疫方法

醫校 教員 邱 紱

今冬雨雪缺乏。大風屢作。陰氣不凝。陽氣不藏。天時如此。而人則熾炭於爐。晝夜不息。煤毒內逼。無從消散。現時則有斑痧癩疹及喉痛諸患。來春之溫厲可知。昨見報載治疫諸方。用巴豆麝香木香明雄鬱金乳沒牛黃琥珀陳皮紫蔻牙皂胆星之類。不敢謂其無效。惟今歲運氣。係少陰在泉。君火盛行。療治諸病。不可多用辛溫。以火益火。爰舉今冬明春運氣之說。及預擬治法。分論於後。

論運氣

五運六氣之說。原不可泥。而獨於時疫。則確有可憑。憶丁巳戊午冬春之交。歸綏

鼠疫蔓延數省。晉省曾有雷擊散之宣布。其方亦多辛溫燥烈。當時並無效驗。茲

不具論。竊以為丁巳之歲。少陽相火在泉。戊午之歲。少陰君火司天。君相二火相

合。其為病係溫毒無疑。至於今歲。則少陰君火在泉。明歲壬戌固屬太陽司天。而

初之氣客氣。即係少陽相火。與今歲終之氣君火相合。今冬既無雨雪。毒火內伏。

來歲初之氣主氣為厥陰風木。風火相煽。其發為溫毒。又可無疑。素問至真要大

論曰。少陰在泉。溲便變。按謂大小便變也。所發之症。或小便不利。或黃赤。大便

少陰在泉。熱淫所勝。民病腹中常鳴。氣上衝胸。喘不能久立。寒熱皮膚痛。目瞑。齒

痛。頤腫。惡寒發熱。如瘧。腹中痛。腹大。陸九芝云。此火氣奔動於中。乘肺及胃。金

六元正紀大論曰。太陽司天。初之氣。少陽民迺厲。溫病乃作。身熱。頭痛。嘔吐。肌腠

瘡瘍。陸九芝云。此以上年終氣。君火與本年初氣相火。為二火之交。重以主氣風

類痘之素問遺篇曰。辰戌年陽明不退位。則太陽不遷正。民病嘔吐。暴注。食飲不下。

大便乾燥。四支不舉。目暝。掉眩。又病溫厲。喉閉。噎乾。煩燥而渴。喘息有音。陸九芝

辰戌之年猶行卯酉之令  
燥尙布天寒化不行也

依此數條推之來春之病大概可知已。

三十八

### 論治法

治病不可泥於一方也。貴乎因證加減。運用之妙。存乎一心。欲防溫厲而預定方藥。未免涉於呆滯。無已。惟有仍本運氣之說。以預擬各方乎。素問至真要大論曰。

少陰在泉。熱淫於內。治以鹹寒。佐以甘苦。以酸收之。以苦發之。水勝火故治以鹹寒。甘勝酸故佐以苦。

以防其過必以甘苦者防鹹之過而又瀉熱之實也。又曰。少陰之勝。治以辛寒。佐

以苦鹹。以甘瀉之。辛為金味寒為水氣金水相生則火有制而金不傷佐以苦鹹者苦從火化以助其辛鹹從水化以助其寒也。火性急速故以

甘為愚夙欲發明此理。並據此以立方。祇以趕編課程。未遑議及。又以初來斯土。

誠恐五方異宜。未必所投輒效。妄為立說。轉致誤人。是以落筆而止者再。半月以

來。同鄉李君大小男婦均患疹。喉痛。間有夾斑者。屠君熊君之子女亦患此症。愚

悉以辛涼透表鹹寒清裏之法治之。均獲全愈。經此番實驗。而後知素問之說可

以意會之也。特愚近來所治者。皆冬溫而非瘟疫。然由此而推之。來春之病。或為



溫。或為瘟。皆當治以鹹寒辛寒。可斷言也。茲將曩昔治溫治瘟驗方錄之於左。內有陽毒陰毒二方非真驗者

(一) 擬預解春溫之方

清燥湯 治鼻孔乾燥。或有血。或咽乾而欬。齒痛。目赤。

冬桑葉三錢 杭菊花二錢 潤元參三錢 瓜萸皮二錢 叭杏仁二錢 淨銀花一錢 鹽青葉

三個無即 真柿霜二錢 津黎汁一茶匙 蘿蔔汁二茶匙 生甘草一錢

右十一味。除柿霜梨汁蘿蔔汁外。以水微煮。去滓。入柿霜梨汁蘿蔔汁。溫服。身熱或入暮熱。本方加薄荷一錢。大便滑者去梨汁杏仁。

按今冬少陰君火不藏。必水虧火旺。火盛則必乘金。肺為腎之母。金水不能相涵。肺氣必燥。近來多患痧疹。乾咳咽痛。皆肺燥之病也。預防其病。惟有鹹寒以滋腎水。辛涼以養肺金。此方滋腎而不膩。養肺而不滯。桑葉菊花清肺熱解鬱。萸皮杏仁利膈導滯。銀花甘草解毒而利小便。且以補土生金。柿霜梨汁柔潤養液。蘿蔔

汁解煤毒酒毒。鹽青菓除煩止渴。清利咽喉。玄參鹹寒壯水制火。在合內經治以鹹寒之義。佐以酸甘辛涼而不用苦者。苦爲火味。若用苦寒遽折之。則火益鬱也。茲方可以常服。來春縱發溫病。亦必較輕。勿視爲平淡無奇也。

(一) 春發溫病應用之方

治溫病之方多矣。若初起者。吳鞠通銀翹散桑菊飲二方。爲時醫所習用。不贅錄。至於仲景之麻杏石甘湯。愚則借用之處甚多。凡溫病有外感無汗而渴者可用。

麻杏石甘湯

麻黃六分 行膏三錢 杏仁三錢 甘草一錢

按柯韻伯謂溫病仲景無方。疑卽此方。又謂岐伯云。未滿三日者可汗而已。亦卽此法。愚謂麻黃伐肺邪。杏仁利肺氣。石膏清肺熱。甘草補土生金益肺虛。藥祇四味。兼具四義。合之爲辛涼透表之劑。所謂治以辛寒也。愚治溫症。初起發熱惡寒。頭暈胸悶。口渴舌苔白厚而無汗者。每用此方。一服表氣通。燥邪洩。諸證愈。可見

經方效如桴鼓矣。或疑麻黃性溫。不知用於加倍石膏之中。並不為溫。又或拘春忌麻黃。夏忌桂枝之俗說。致令肺氣久遏生變。此則咎由自取矣。但無外感不惡寒且有汗者。亦不得不申其禁也。

白虎湯

石膏 知母 甘草 粳米

按此治溫病發熱自汗口大渴者。蓋治以辛寒。佐以苦甘之法也。

以上銀翹散桑菊飲麻杏石甘湯白虎湯皆治溫邪在氣分而未擾及血分者。可以此數方為例。若夫初起即氣分血分俱病者。如疹痧之類。則宜用下方。

痧疹方 陸九芝方

升麻 葛根 柴胡 以上三味均酌用 黃芩 赤芍 玄參 銀花 連翹 牛子

山梔 炒生草 或加殭蠶蟬退西河柳

按疹痧三證初起必面赤目赤唇乾或咳嗽或咽痛口乾發熱惡寒。此方升散清

涼。最為合度。惟愚減去柴胡耳。升葛亦不宜多用。

加減清燥救肺湯

霜桑葉 苦杏仁 麥門冬 生石膏 潤玄參 大青葉 枇杷葉 柿子霜  
浙貝母 生甘草

按喻氏清燥救肺湯原方。有人參阿膠麻仁。愚去之。易以玄參大青柿霜浙貝。治李君之室疹出夾斑。口渴舌赤。有芒刺。乾咳咽痛。自汗脈浮數。因取此方。重用石膏。一服而神清斑紅潤而疹稀疏。逐漸清解而愈。蓋少陰君火必刑肺金。以甘涼滋潤。加辛寒鹹寒。是以獲效也。

消斑青黛飲

雅黃連 石膏 知母 柴胡 升麻 升柴二味初起不透者可用若邪已入裡即去之用之反劇 黑梔仁  
玄參 黃芩 生地 人參 酌用 青黛 甘草 淡豆豉

按此方治發熱口渴喜飲舌苔白厚昏沈譫妄發斑。大人小兒並可用之。如有泄

瀉。但觀其所瀉之色。或深黃。或醬色。或不瀉利而口臭唇燥。察其手足胸腹隱隱如斑紋者。即當用之。不必疑畏。惟人參升柴。不宜輕用。丹皮銀花。均可加也。

(一)春發、瘟疫、應用之方。  
經言五疫之至。皆相染易。無問大小。病狀相似。蓋疫有寒疫。有瘟疫。長幼之病。率多相似。所以與僅有熱證之溫病不同。然愚今所論。就君相二火推之。則來春所發之病。大概係溫疫而非寒疫也。其或初起即見斑疹諸證者。可就以上溫邪迫於氣分血分各方治之。其或頭腫發顛。則方如下。

普濟消毒飲 李東垣方

黃芩、黃連、連翹、薄荷、桔梗、牛蒡、馬勃、板藍根、玄參、殭蠶、升麻、柴胡。  
過升 宜減 人參 不宜 補 甘草 便秘加大黃

按此方苦寒鹹寒辛平苦平甘寒。複法藥味稍雜。得其意而變通之可矣。其或溫毒發斑。三焦熱極。鼻如烟煤。舌絳或黑。齒燥。則方如下。

犀角大青湯

犀角 上 大青 中 玄參 中 甘草 下 升麻 中 黃連 中 黃芩 上 黃柏 下 山梔 中

按此鹹寒苦寒複法也。熱淫於上中下三焦。非此大劑不能解。其或發熱惡寒。面赤發斑。咽喉痛。唾膿血。名曰陽毒。方如下。

升麻雄黃湯

升麻 雄黃 犀角 甘草 桔梗 當歸 貝母 木香

此吾師方亮甫先生所定之方也。升麻主解百毒。毒氣從呼吸而入。隨氣升降。愈降則毒愈深。故用升麻之升。俾毒氣從呼吸而入者。仍從呼吸而出。用木香以解穢。雄黃以解毒。咽喉痛者。毒碍呼吸之路也。用桔梗貝母以清氣道。唾膿血者。毒傷陽絡也。用當歸犀角以清血絡。若咳嗽喘逆。加葶藶杏仁。大渴飲水。加知母石膏。頸中結核。加連翹牡蠣。

其或面青爪甲青。身痛。咽喉痛。名曰陰毒。方如下。

## 升麻鼈甲湯

升麻 鼈甲 當歸 木香 桔梗 貝母 甘草

此亦方亮甫師所定之方也。毒侵衛分。則氣亂而逼血妄行。毒侵營分。則血凝不流。故面青身痛二證。俱有咽喉痛者。毒從咽喉而入也。俱用升麻者。無論在營在衛。皆不可使之陷於裏也。用當歸鼈甲者。取其能入營分。鹹以軟之。辛以行之也。按陽毒陰毒二症。愚生平實未經見。茲二方及方論。皆方師昔年所擬者。今爲防疫起見。故錄於此。其他前後各方。皆愚所經驗者。不能不特爲聲明也。

(一)宜預備各丹丸。

急救時疫之丹丸。類多貴重之品。非貧家所能購用。亦非一時所驟合。尙望樂善之士預爲購置。以備不虞。茲舉其重要者開列於下。

至寶丹

廣東藥店或北京同仁堂買

烏犀屑 玳瑁屑 琥珀 硃砂 雄黃 龍腦 麝香 牛黃 安息香 銀

箔 金箔

治中惡氣絕。中風不語。中諸物毒。熱疫煩躁。氣喘吐逆。難產悶亂。死胎不下。以上並用童便一合。生薑自然汁三五滴。和溫化下三丸。如桐子大至五丸。又治肝肺積熱嘔吐。邪氣攻心。大腸風秘。神魂恍惚。頭目昏眩。口乾不眠。傷寒狂語。又治小兒諸癩。急驚。心熱。卒中客忤。不得眠。煩躁。風涎。搖擗。按此丹與蘇合香丸並為開丸。治寒閉。此丹治熱閉。不可誤用也。

神犀丹

溫熱經緯方宜善土預製

犀角尖 石菖蒲 黃芩 生地 銀花 人中黃 連翹 元參 板藍根無則

以青黛代之 香豉 花粉 紫草 各生晒研細火忌見以犀角地黃汁和搗為丸。每重

三錢。涼開水化服。小兒減半。

王夢英云。溫熱暑疫諸病。邪不即解。耗液傷營。內陷癩厥。昏譫發斑等証。但看病人舌色乾光。或紫絳。或圓硬。或黑苔。皆以此丹救之。



紫雪

北京同仁堂及漢鎮藥開泰  
廣東大藥店均有

黃金 寒水石 磁石 石膏 滑石 羚羊角 犀角 沉香 丁香 青木

香 玄參 升麻 甘草 朴硝 硝石 硃砂 麝香

療脚氣口中生瘡狂易叫走瘴疫毒厲卒死溫瘧五尸五注心腹諸疾汚痛及解

諸熱毒藥邪熱卒黃等證並解蠱毒鬼魅野道熱毒又治小兒驚癇百病徐泗溪云邪火

毒火穿經入藏無藥可治此能消解其效如神

錫類散

漢鎮劉天保藥店有

象牙屑 珍珠 青黛 梅花冰片 壁錢 西牛黃 人指甲

治爛喉痧乳蛾牙疳口舌腐爛凡屬外淫為患諸藥不效者吹入患處瀕死可活

六神丸

此丸治熱毒咽喉腫痛每含十粒立即止痛開閉又塗疔腫並有神效愚屢用之而不知係何藥品殆秘方也惟廣東大藥店售者為最好

妙香丸

治時疾傷寒解五毒潮熱積熱結胸發黃狂走躁熱大小便不

通及小兒驚癇百病

巴豆 三百十五粒去殼心膜炒熱研如麵徐 牛黃 研苦 龍腦 即冰片研 膩粉 甘酸  
 香 研各三兩 辰砂 研飛九兩 金箔 研九千片

合研勻煉黃蠟六兩入白蜜二分同煉勻為丸每兩作三十九丸白湯下二九日  
 二服 徐涸溪云三分為一九難於下咽宜作一分一九每服三九為安

他如牛黃清心丸、紫金錠、皆治瘟疫之要藥、大約藥肆均有售者、不備錄、

論霍亂之病因及治法 西期雜誌所載係二版衷中參 西錄此係三版較前尤為精詳 名譽理事 張錫純

霍亂之證西人所謂虎列拉也。因空氣中。有時含有此毒。而地面積穢之處。又釀有毒氣。與之混合。觀此證起點多在大埠不潔之處可知。隨呼吸之氣入肺。由肺傳心胞。即心肺相連之脂膜。由心胞傳三焦。上焦心下膈膜中焦包脾連胃脂膜下焦絡腸包腎脂膜。為手厥陰少陽臟腑之相傳。然其毒入三焦。其人中氣充盛。無隙可乘。猶伏而不動。有時或飲食過量。或因寒涼。傷其脾胃。將有吐瀉之勢。毒即虛內襲。遂揮霍撩亂。而吐瀉交作矣。吐瀉不已。其毒可由腸胃而入。

心。(胃大絡虛里小腸乳糜管皆與心相通其證間有自心胞直傳心者多不及治)更由心而上竄於腦(心有四支血脈管通腦)致腦髓神經與心俱病。左心房輸血之力與右心房收血之力爲之頓減。是以周身血脈漸停而通體皆涼也。其證多發於秋際者。因此毒氣釀成。多在夏令。人當暑熱之時。周身時有汗。此毒之服於三焦者。猶得隨汗。些些外出。迨至秋涼汗閉。其毒不得外出。是以蓄極而動。乘脾胃之虛。而內攻也。故治此症者。當以解毒之藥爲主。以助心活血之藥爲佐。以調陰陽奠中土之藥爲使。爰擬方於左。名之曰急救回生丹。

硃砂頂高者一錢五分。此藥爲水銀雄黃二原質合成。此二原質皆善消毒菌。化合爲硃砂。又色赤入心。能解心中竄入之毒。且又重墜。善止嘔吐。俾服藥後不致吐出。

冰片三分。真好冰片出於杉樹。及加爾普斯科樹。其次者係樟腦煉成。此方中冰片宜用樟腦煉成者。因樟腦之性原善振興心臟。通活周身血脈。尤善消

除毒菌。特其味稍劣。煉之爲冰片。味較清馥。且經升煉而其力又易上升至腦。以清腦中之毒也。

薄荷冰二分。此藥善解虎列拉之毒。西人屢發明之。且其味辛烈香竄。無竅不通。無微不至。周身之毒。皆能掃除。矧與冰片又同具發表之性。服之能作汗解。使內蘊之邪由汗透出。且與冰片皆性熱用涼。無論證之因涼因熱。而投之咸宜也。

粉甘草細末一錢。此藥最善解毒。又能調和中宮。以止吐瀉。且又能調和水片薄荷冰之氣味。使人服之。不至過於苛辣也。

右藥四味。共研細分作三次服。開水送下。約半點鐘服一次。若吐劇者。宜於甫吐後。急服之。若於將吐時服之。恐藥力未暇展布。即吐出。服後溫裏得汗即愈。服一次即得汗者。後二次仍宜服之。若服完一劑。未全愈者。可接續再服一劑。若其吐瀉已久。氣息奄奄。有將脫之勢。但服此藥。恐不能挽回。宜接服後急救。

回陽湯。未完

論霍亂

名譽 張國華

時疫害人之暴烈。莫若霍亂。醫籍所載。筆難罄述。尋常霍亂。姑不具論。茲就所急者論之。大抵其劇發而暴烈者。不外寒熱二疫。世人徒多其名。不究其實。如癘螺痧。吊脚痧。子午痧。及西人名虎列拉之類。名目紛紛。醫家不知深察。一見吐瀉肢冷。脈伏。癘轉筋等證。只知寒疫霍亂有此現狀。概用寒中三陰等法。溫熱罔忌。倖中者鮮。不知熱疫霍亂。現證亦頗相類。由口鼻吸受炭氣。穢氣。與身內養氣合而化火。始氣分而入血分。逆亂腸胃。即挾厥少相火。竄走經絡。輕則麻木。重則轉筋。熱閉腠理。二管氣結不達。血瘀不行。熱閉益深。火極似水。此吐瀉腹痛肢冷。脈伏。癘轉筋。或音低冷汗。種種險候所由來也。然而非盡無區別也。熱疫霍亂。始則脈數。數極則伏。而寒疫則始。終不數。熱疫霍亂。胸腹熱甚。飲啖喜冷。暴注下迫。水液渾濁。舌苔黃粘黑燥。及溲便黃赤等證。而寒疫則異。舉一反三。神明在人。苟

屬寒疫。方投溫熱。使不深察。鮮不促斃。熱疫爲證不一。然發於夏秋間者爲多。夏秋爲三氣雜至之時。炭氣噴薄。穢濁薰蒸。野馬飛騰。以息相吹。且諸氣多從熱化。故每熱疫霍亂較多。竊驗此證寒熱雖殊。而胸腹不暢則一。每以苦辛之品。達其中焦爲主治。以芳香淡滲祛穢分清爲佐。使兼察夾證爲出入。往往獲效。蓋中焦爲上下陰陽之道路。中焦達。斯上下和。清濁不亂。氣血不阻。然後肢溫脈出。吐瀉漸止矣。苟恐緩不濟急。急用開竅通經丹藥。吹鼻納臍。臍上用鮮姜片蓋護。艾灸。再燒酒燉樟腦。熱擦委中及轉筋處。內外兼治。則效較速。不效者難治。且外治法寒熱俱可。學者能將天氣地氣歲氣時氣體氣病氣合而參之。則於時疫暴烈之霍亂。思過半矣。

## 霍亂之研究

醫校 教員 安壽增

### 定義

此爲傳染症。原於一種桿菌。致人得病。其表狀所現者。嘔吐。大瀉。腦力脫失。最利

害者。不見嘔吐腹瀉。只見腹內疼痛。甚至轉筋。手足皆冷。頃時而斷命。但人死之故。非因菌多。實因菌所產出之毒素。進入血運內。致成渾濁不清。使血運部受阻。腦力脫失而亡也。

#### 來歷

此症自古為印度國孟加拉省一方之病。每於若干時。必發生廣佈為時症。後漸漸傳至亞細亞洲。暹羅國。北至北京。日本小呂宋等處。在一千八百三十年。始傳至歐洲。又傳至英國美國及他國。現時成為天下各國流行病。惟講求衛生之國家。近五十年無有再患者。獨中國有數處。每年必有此病症。如廣省每年必現。又在二十六年北幾省皆有。民國八年山東亦有此病。去年天津北京直隸全省皆有此症。今年在山西本省時而發現。所幸者未使傳染開。

#### 病原

自患者之稀糞內。有白色之點。作成薄片。染以十分之一之加波尼費辛色料。置

於顯微鏡下。則見有桿菌爲他症所無者。故醫家以此爲致病之原。菌之形微彎曲。其端尖細。有閣氏又尋得此菌。生於印度村落之池塘。患病者菌生於腸內。所瀉稀糞內極多。惟吐出者則無此菌。如將菌培養於肉湯汁內。過二十四小時。射入兔身。經過二十四小時。必致兔命。

#### 傳染法

人染此病。難與易大不相同。病流行時。雖無病者之糞內。亦含此菌甚多。亦有人試吞霍亂菌。竟不見得病受害。霍症之傳染力不大。護病者與療病之醫士。少有染之者。惟洗衣去糞者。則多染之。若洗菜或瓜菓於染病之水內。必致染病。牛乳亦有時見沾染菌。在食物中能生七八日。在蒼蠅腹內。能活三日。故蒼蠅之全身肢體。皆能將毒傳染至他處。空氣則不能傳染。因菌乾則死也。其傳染最甚者。以染霍之水供用也。故各地之霍病流行。利害與否。乃視乎所用之水清濁否。前在德國。有二十大城。共用一溪染霍之水。一城用濾法。患者只有五百餘人。一城未用



濾法。有一萬八千多人患者。可知用水之事。貴在潔淨也。霍病之流行。濱海較易於內地。暑月傳染更易。好酒者。飲食不足者。多慮而煩悶者。及因逆境身弱者。其受染尤易。

病狀

其狀期無一定。大約一日至五日必發現。其病期可分為三程。(一)水瀉與嘔吐程。其水瀉多無先兆。乃突然而來者。然亦有前一日腹中疼痛。而大便稍瀉。頭亦疼痛。而嘔吐欠爽者。此皆因霍亂細菌。放出毒素。擾亂腸道之潤膜所致。(二)腦力脫失與下肢抽搐程。既瀉者則增重。未經瀉者則大瀉水糞頻出。腹內疼痛。肛門受迫。常覺力竭。顯腦力脫失狀。其口渴。舌白。小腿及脚轉筋。手指抽搐。耳聾。眼朦。面癱。皮變黯色。眼球凹入。鼻端尖銳而頰低。手脚皮色變紫而皺。且出冷汗。身熱下降。在口與液常溫。下腿五至十度。惟有肛與體內。則有三十九度五。其脈極弱。或無。頃刻漸昏迷。此亦為菌毒素所致。其毒素之原性似膠質。易入血運。既入血

內。則現以上之狀。其毒力之強弱。乃視乎毒素之多少也。

未完

五十六

### 傷寒

續第四期

醫專學校  
教務主任 楊永超

(三) 傷寒之經過 (甲) 潛伏期 ○自傳染至病發為潛伏期。此期隨人而異。殊不易定。大半九天至十一天。亦有延長至三星期者。在此期內。已呈種種不定之症狀。如通身不快。面無光澤。四肢酸困。食思減少等。不一而足。大便多數秘結。間有夜汗劇發者。然皆非一定之病狀。不能據此斷其為傷寒也。(乙) 病始 ○病始者。種種定型症狀漸次發現之謂。如體熱增高。通身小冷。頭疼腰疼。四肢疼而兩腿更劇。頭暈。左胸壁刺疼。因脾腫也。更進則食思銳減。睡不成寐。舌腫且乾。中部生苔。大便秘結。體熱日高一。狀若樓梯。每日增四分之一。三度或一度不等。以上種種。均係中性症狀。有較此沉重者。亦有重不及此者。變化殆無窮也。

(丙) 第一星期杪 ○體熱達於一定之極巔。多數在三十九度或四十度以上。此時發現兩種極要症狀。(一) 脾臟太腫 (duisumor) 於肋弓下。用手可撻。(二)

胸腹之上發無數微疹 (Posola) 其餘如腹內癢脹面無血色。食思毫無。大便微瀉。皆足爲傷寒之証。尤可注意者。爲盲腸所在之處。用手一按。內作雷鳴 (Fleocoecol yurin) (丁) 第二星期○此時病已到極期。縱不減退。亦不加劇。熱度較前無甚昇降。脈息較遲。脾腫腹脹。微瀉。一如上述。微疹隨退隨出。亦與上星期無大出入。患者恍惚如睡。或竟人事不省。亦有晚刻或夜間狂言亂語。不安於床者。食思缺亡。完全失眠。舌乾苔厚。變棕黃色。在此危急之時。每有氣管炎同時并發。更有進而轉爲肺炎者。(戊) 第三星期○體熱下降。微疹退回。食慾漸加。并可稍睡。舌苔脫落。呈鮮紅色。脾大如故。亦間有較上星期畧小者。皮膚之上。發現無數細微水泡。(dui li ara crysfullina) 肺中病症。即逐漸減退矣。

由上所述。第三星期爲各種病狀減退之時。然亦即最危險之時。或肺病轉劇。或循環起障礙。或添種種併發病 (kom Pli Pati unen) 而最大致死之鍊。

首推腸內流血(詳解在後)次則腸壁穿孔致起腹膜炎亦死症也。(己)第四星期○體熱退至常度。食思銳進。腹脹、脾腫、及其餘症狀。皆漸次恢復原狀。(庚)第五星期○體熱每降至常度以下。營養狀態。日有起色。食量較之未病以前為尤大。未完

五十八

(藥物類)

朴硝與芒硝及玄明粉之研究

理事 趙蓋臣

據本草綱目所載。朴硝即是芒硝。產於鹽鹵之地。煎煉入盆。凝結在下。粗朴者為朴硝。在上者為芒硝。取朴硝芒硝。加蘿蔔甘草煎煮濾淨。鼎罐升煨。則為玄明粉。三者名雖異而實相同。按西醫書所載。呼朴硝為硫酸鎂。(即硫酸麻偏涅雙謨)呼芒硝為硫酸曹達。(即硫酸那篤留謨)二者之名稱不同。其實亦異。茲將中西醫朴硝芒硝之性質功用。分列於左以資研究。

(甲)中醫之學說

(一) 朴硝

(氣味) 苦寒無毒。(主治) 百病。除寒熱邪氣。逐六臟積聚。結固留癖。能化七十二種石。鍊餌服之。輕身神仙。本經胃中食飲熱結。破留血。閉絕停痰。痞滿。推陳致新。別錄療熱脹。養胃消穀。皇甫謐治腹脹。大小便不通。女子月候不通。甄權通泄五臟百病及癥結。治天行熱疾。頭痛。消腫毒。排膿。潤毛髮。大明

(二) 芒硝

(氣味) 辛苦大寒無毒。(主治) 五臟積聚。久熱胃閉。除邪氣。破留血。腹中痰實。結搏。通經脈。利大小便。及月水。破五淋。推陳致新。別錄下癰癧黃疸病。時疾。瘧熱。能散惡血。墮胎。傳膝瘡。甄權

(三) 玄明粉

(氣味) 辛甘冷無毒。(主治) 心熱煩燥。并五臟宿滯。癥結。甄權明目。退膈上虛熱。消願毒。大明

## (乙) 西醫之學說

## (一) 朴硝 即硫酸鎂

(性狀)本品爲無色細小稜柱狀之結晶。有清涼性之苦鹹味。在空氣中則少風化。溶解於冷熱水。不溶解於酒精。(生理作用)在胃中無甚障礙。在腸中之瀉下作用略同於芒硝。用小量無顯著之功效。用大量(二五〇)則變生氣狀物及腹中雷鳴。並下數回液便。久用之下利不止。食思漸漸缺乏。遂致肪脂及體重減少。但朴硝不如芒硝增加胆汁之分泌。(醫療應用)以(一五〇至三〇〇)一回或數回服之。其泄下作用較芒硝爲優。用於下腹充血、脂肪過多等。可久服者。使飲用含有朴硝礦泉可也。

## (二) 芒硝 即硫酸曹達

(性狀)本品爲無色透明著大之結晶塊。有微苦清涼性之鹹味。在空氣中風化爲白色之粉末。易溶於水。(生理作用)服芒硝之小量(五〇)一日隔數時服

之。被徐徐吸收。由尿排泄之。若服大量。雖不腹痛。亦發雷鳴。必下富於水分之液便。而服後至下泄時間愈短。便中所含之芒硝愈多。其障礙食慾及消化作用。較朴硝為少。久用始有影響及之。致體重減少。脂肪消失。又於腸蠕動腸粘膜刺激。腸腺分泌增加而致下利之外。并現呼氣中炭酸及吸氣中酸素之增加。是雖為新陳代謝機振起之徵。其影響僅及脂肪分之酸化。不及體中蛋白質之代謝。(醫療應用)對於習慣性糞便蓄滯便秘。及來自肺臟心臟疾患之下腹臟器靜脈鬱積。胆汁分泌障礙。胆石。脾臟腫大。肝臟腫大及硬結。全身脂肪過多。肝臟脂肪變性。慢性胃病等。用之最佳。在歐洲常用含有本品之礦泉。亦發同一之功效。按右列中西醫朴硝芒硝及玄明粉實質與功用。以中醫朴硝芒硝之實質上研究。名稱雖異。實質似混同為一物。但主治應用。略有分別。以西醫朴硝芒硝之原質研究。醫療應用雖有相近之點。而於藥物名稱。迥然分而為二。朴硝芒硝之實質。是否可認為兩種藥物。中西醫之主治應用。相同相異之點。孰是孰

非宜再加以經驗上之確當研究。使無疑義。

### 答人參問

名譽理事 陳公澤

人參得天地之陰氣而生長。向陰乃其特性。一如葵花之向日。所以補而不燥。能生津液。若必攷其習性。何以背陽而向陰。未敢穿鑿以對。

人參製法有兩種。一種生者焙乾。一種糖煮焙乾。生焙者力全。糖煮者壯觀。至忌鐵器。參經鐵器則發黑。大凡植物中含有酸素者。皆忌鐵汁。參其一也。試以茶葉用鐵器烹之。何首烏用鐵刀切之。皆變黑色。夫既相感而變黑。必含毒性。此忌鐵之理由。

人參入氣分之藥。手太陰爲氣機總樞。所謂入手太陰者。統指氣分而言。若謂只入手太陰一經。則泥矣。

人參主治雖各不同。大要爲大力者負之而驅之用。觀古人方中。十有五六皆用人參。可以知其然矣。而緊要仍在羣隊之品。如正氣不足。表邪內陷。仲景小柴胡



湯重在人參之力。以祛邪外達。如利止脈不出。亡陽在即。四逆湯加人參。以挽回一線生機。李東垣補中益氣湯。藉人參之力。以助升柴。乃可舉下陷中氣。此外如血脫扶陽。用附子以救一時之急。迨後人動以獨參湯救萬病。宜乎日本依豬子氏所說。人參在病症危急時。毫無作用。蓋無對症之藥。以佐之。那有作用。即用真正老山參。亦不過如西醫之嗎啡針。人死而氣不遽盡。若邪氣正盛之際。一用人參。未有不誤者。用量西藥當用西量。因已經研究準確。中藥當用漢量折合。因古人研究已深。必待試驗動物之後。恐人獸之量。難以符合。

化學成分。日本學說。固可參攷。中國亦當研究化驗。自定學說。

動物試驗。中醫未嘗無說。如馬宜黃藥。貓宜烏藥之類。皆由試驗而來。若謂試驗動物即可治人。特恐收效不能一致。至問預先培天竺鼠法。西醫學說。未便妄對。人參有恢復神經作用。亦如打嗎啡者等耳。不過提神之藥性既了。渣滓之留於中脘。令人胸膈脹滿。不思飲食。不能安眠。若合湯浮藥劑。即生頭痛頭重等腦充

血之病症。如日本人所說矣。

鑑別真偽。不佞昔年曾與北京參茸莊同人討論多日。自己又設有藥肆在濟南。迄今十年矣。故能知其概。按人參產於吉林野山中。百八十年。氣力方足。一朝爲擷參者所得。焙而乾之。若年限不足。則力差。至年代深淺。觀其蘆頭下縐紋而知。年深則縐紋多。所以有老山新山之分。然扼要在看參鬚之末。皆有一小圓珠爲結局。僞者固足亂真。兩鬚尾之圓珠。不能假也。古人云人參像人形。不過大概之言。人參產於野山中。鳥獸可踐踏。砂螞所阻礙。隨勢長成。奇形怪狀。絕無端正如人形者。迨後吉林人迹漸多。不容其生長百八十年之久。一見參苗。明知年限差遠。又恐爲人所得。乃移回種植。參本野產。經人力培養。已失天地精英之氣。參鬚尾末。不能結珠。所謂移山參也。年代深淺。亦看縐紋多寡。效力不過當老山之二三而已。奉天所產謂之養參。純由人力。先種參子。三年成苗。築地成溝。坡之形。擷苗倒栽。鬚向上而葉斜下。肥料澆灌。再七八年而成熟。所以倒栽者。使其力貫蘆

頭。因人參蘆頭大也。擇其端整者。糖煮焙乾。用作官禮之人參。而識貨者不顧也。擇其奇怪者以充移山參。最能欺人。因移山亦係人力培植。不過蘆頭稍小。參質堅結細膩之不同。非細看莫辨。餘者焙成黃紅色。以充高麗蔘。近來所談所用之人參。大半皆奉天產。雖有橫補之功。大失神奇之用。加以肥料澆灌。兼多燥氣矣。陳修園長於治虛寒。黃芪附子。為虛寒的方。如用大建中湯。此非金匱之時。去人參。重加黃芪。其效力與有人參者同。若謂二藥即可廣代人參。不敢贊同。即以柴胡症而論。如用小柴胡湯時。去人參。改為黃芪附子二味。誤人不小。此外格不入處。尤難指數也。

### 辨東人豬子氏論人參

名醫 理事 張錫純

讀二期雜誌六十六頁。載有東人豬子氏。謂人參用於危急時。毫無作用。（此句下原註亦評其不確）其言何其謬也。僕臨證四十年。重用人參治愈之險證。紀不勝紀。畧列數則於左。以質諸醫界諸大雅。

高某年四十許。於季春得溫病。延醫調治不愈。留連兩旬。病益沉重。後僕診視。其兩目清白無火。竟昏憤不省人事。舌乾如砂。却無舌苔。問之亦不能言語。周身皆涼。其五六呼吸之頃。必長出氣一次。其脈左右皆微弱。至數稍遲。知從前醫者爲治溫之時。用開破藥太過。致其胸中大氣下陷也。蓋大氣不達胸中。則神昏。大氣不潮於舌本。則舌乾。神昏舌乾。故問之不能言也。其周身皆涼者。大氣陷後。不能宣布營衛也。其五六呼吸之頃。必長出氣者。大氣陷後。胸中必覺短氣。故太息以舒其氣也。遂用野臺參一兩。（僻處無好人參。轉不如用黨參爲妥。黨參即古之人參也。）柴胡二錢。煎湯灌之。一劑見輕。兩劑全愈。

王倫章年二十時。臥病兩月不愈。精神昏憤。肢體瘦懶。亦不覺有所苦。屢次延醫診視。莫審病情。用藥亦無效。一日忽然不能喘息。張口呼氣外出。而氣不上達。其氣蓄極之時。肛門突出。約二十呼吸之頃。氣息方通。一晝夜間。如此者八九次。診其脈關前微弱不起。知其胸中大氣下陷。不能司肺臟呼吸之樞機也。遂投以人

參一兩。柴胡知母各三錢。一劑而呼吸順。又將柴胡改用二錢。知母改用四錢。連服數劑。宿病亦愈。按大氣下陷證。拙著衷中參西錄所載治愈諸案。多係重用黃芪。此二案則重用人參者。為其一係溫病之餘。津液鏹耗。人參兼能生津液。一係久病之後。真元虧損。人參又能培元氣也。

王瑞亭於仲冬得傷寒證。兩三日間。煩躁無汗。原是大青龍湯證。因誤服桂枝湯。煩躁益甚。迎僕診視。其脈關前洪滑。而兩尺重按欠實。遂投以大劑涼潤瀉火之品。囑其煎湯一大碗。分五六次徐徐溫飲下。防其寒涼緩下焦也。病家忽僕所囑。竟頓飲之。遂致滑瀉數次。多帶冷沫。上焦益覺煩躁。鼻如煙薰。而如火炙。其關前脈大於從前一倍。又數至七至。知其已成戴陽之險證。急用人參一兩。煎湯兌十二三歲童便半茶盅。(取其味鹹。能製參食乳小兒便甜。不宜用於此方)將藥碗置涼水盆中候冷。頓飲之。又急用玄參生地知母各一兩。煎湯一大碗候用。自服參湯後。屢試其脈。過半點鐘。脈象漸漸收斂。至數似又加數。遂急用候用之藥。

發極熱。徐徐飲下。一次止飲藥一口。閱兩點鐘。盡劑。周身微汗而愈。

六十八

同莊崔姓童子。十一歲。因麥秋時。勞力田間。遂得溫病。手足擾動不安。譫語不休。所言者亦皆勞力之事。晝夜目不能瞑。脈象雖實。却非洪滑。擬投以白虎加人參湯。又慮小兒少陽之體。外邪方熾。不宜遽用人參。遂用生石膏兩半。蟬退一錢。煎服後。諸病如故。復來詢方。且言其苦於服藥。昨所服者嘔吐將半。僕曰。單用生石膏細末二兩。煎取清湯。徐徐溫飲之。即可不吐。乃如言服之。病仍不愈。再爲診視。脈微熱退。譫語益甚。精神昏昏不省人事。急用野臺參兩半。生石膏二兩。煎湯一大碗。分數次溫飲下。身熱脈起。目遂得瞑。手足稍安。仍作譫語。又即原渣加生石膏帶心乾麥冬各一兩。煎湯二茶鍾。分兩次溫飲下。降下大便一次。其色甚黑而愈。

朱鶴軒患梅毒。在東人醫院中治二十餘日。頭面腫大。下體潰爛。周身壯熱。譫語不省人事。東人謂其毒已走丹。不可治。其友人邀僕往其院中。爲之診視。疑其夾

雜溫病。遂用生石膏半斤。煮水一大瓶。僞作葡萄酒携之。至其院。託言探友。蓋不欲東人知爲療治也。及入視病人。其頭面腫而且紅。診其脈象洪實。知係夾雜溫病無疑。囑將石膏徐徐溫服。火退切勿盡飲。翌日又往視之。頭面紅腫見退。脈之洪實已減強半。而精神仍然昏憤。分毫不省人事。俾自購潞黨參（取其性平不熱）六錢。煎湯兌所餘之石膏水。分數次溫飲之。翌日又往視。則人事大清。脈亦和平。病人遂決意出彼院。來院中（奉天立達醫院）調治。住十餘日。梅毒亦爲治愈。此則及前則皆初未用參。則病勢垂危。一加參於藥中。即轉危爲安。即此以徵人參之功效。其功效益昭著矣。

按人參之性。醫者皆認爲能治虛脫。然其證欲上脫者。若但重用人參。喻嘉言謂其轉氣高不返。真千古不刊之定論也。惟重用赭石或龍骨壯礪佐之。則無斯弊。以治下脫。則有專長。若其脫之自內而外者。治以人參。又遠不如山萸肉。曾治友人毛仙閣第三子。棠年二十餘。於孟冬得傷寒證。調治十餘日。表裏皆解。忽徧身

發熱頓飯。汗出淋漓。熱頓解。須臾又熱。又汗。若是兩晝夜。勢漸垂危。倉猝迎候。診視。及至見汗出。周身如洗。目上竅不露。黑睛左脈微細。模糊。按之即無。此肝胆虛極。而元氣欲外脫也。蓋肝胆虛者。其病緣爲寒熱往來。此證忽熱忽汗。亦即寒熱往來之意。幸其家自設藥局。遂急用淨山萸肉二兩。暴火煎湯一沸。即取其湯飲之。熱與汗均少止。又急添水。將其渣煎透飲下。病愈強半。目睛之上竅者亦下矣。又爲擬方。仍用山萸肉二兩。加生龍骨生牡蠣各一兩。生杭芍六錢。野臺參四錢。炙甘草二錢。方載衷中參西錄名來復湯。服兩劑全愈。蓋此證從前服各種參皆無效。延遲至極危之時。竟能以山萸肉挽回之。由此可知人參之力。有短有長。臨證者熟悉於心。而不至誤用之。則幸甚矣。

### (方劑類)

#### 處方法

續第四期

#### 理事楊百城

守法。古人証治本有一候二候之訓。此係常情也。而竟大不相侔者。如冒風欬



厥風火目疾溼溫留伏膜原寒熱許久不退。必須將症候識認清楚。守定方法。連服至數十劑。方見功效者。此種症。今日如是。明日復然。病家莫名其妙。見其形狀。今日請東醫。明日延西醫。仍復如斯。若醫者識症未真。見其形情。亦被眩惑。方藥亂投。勢必誤事。故醫者宜於識定。博採名議。觸類引伸。守法不移。方爲妥當。此爲守法之一道也。

因法。古人有通用塞因塞用等因。可謂神而明之。變化無窮矣。即因字而推廣之。其用萬端。故大凡外感之症。不患不用。最難者內傷之症。無處非因。而特恐因之不得。購憂感禱。勢不可止遏。譬如咯血一症。千緒紛來。若因其熱而清之。則不利於脾土。若因其虛而補之。又不利於浮陽。若因其鬱而舒之。又不利於噴欬。然則將如之何而後可也。曰。各因各磨。十面全顧。乘其稍減。幾症而進取之。此其因法之作用耳。

防法。杜漸防微之義。醫家宜亟講焉。試觀古人立方。皆有精意存乎其間。如麻

黃湯用甘草一味。桂枝湯中用白芍一味。此正所以防麻桂之弊。汗之太過而傷元氣也。每臨一症。於立方之頃。必前後左右委曲以防之。如高年之人用白虎。有力之家必用人參以護衛之。貧家可用潞參以代之。減去粳米分量。加重石膏。使其入胃不能久留。亦防微之苦心。高年之人脈洪大者。尤不時須牢記之。古人所謂大積大聚。衰其半而止。又有所謂必先歲氣無伐天和。此皆防微之要訣耳。

轉法 凡臨症立方不難於閉手而難於轉手。開手易者。我隨症行也。轉手難者。症隨我行也。如稍不經意而人命即有危險矣。其法之最要處在察機二字。即古人所謂一劑知是也。蓋知與不知。全在治病者之明察。切不可強爲附會。苟察之未確。不妨再守一劑。如歧路迷途。須問明南北東西。再行進步。否則仍須回馬也。夫行路不難於回馬。而治病至於回馬。則氣血大受其摧折矣。昔曾治一中暑。神昏舌黑。兩脈俱伏者。開手以重劑兩儀膏加生脈。三服而神清。轉手以甘露飲加阿膠而愈。蓋察其由房勞而有宿食。故轉手而爲如是之用法。附陳一得。亦升高行遠之一助耳。

(未完)

醫 案 門

關於心理之療治法法用驚四則

理事揚百城 趙意空輯

王惠昭醫事一則。見崑山我邑醫士王惠昭名冠一時。四方求治者趾相接。一日隨僕行郭外。見隔溪一女子耘於田。王熟視良久。顧僕曰。汝可跣足涉溪。以泥水塗面。突前緊執女手。作拖其下水之勢。任伊號哭。不可捨去。僕曰。百步外有耕者。聞聲來救。恐難脫身。王曰。有我在無害也。僕如其言。女大駭。極聲呼救。其父持挺狂奔而來。王急止之曰。是若女子耶。將發痘。非此一驚。無活理。三日後必見點。以驗我言。其父雖未深信。然素慕王名。姑俟之。至期果然。亟延診視。且問故。王曰。此腎經症也。猝然震駭。可使轉入心經。遂為定方。不兩旬而愈。

葉天士醫事一則。葉嘗偕外甥閒游。甥年十五。經某家後園過。有一女年約十六七。在園內摘花。問甥佳否。答曰佳。曰汝可潛至後。齊腰抱之。我與汝聘為婦。何如。

甥不敢。曰我所命何妨。促之去。甥果踰牆潛至。女後抱之。女大驚而呼。家人至。擬執而鳴官。天士隔牆止之曰。無須。此我外甥也。是家固與天士相善者。曰。因何視令外甥戲人閨女乎。曰。此我令伊救令姑娘者。曰。何謂救。曰。三日後如不出痘。我自偕舍外甥來負荆請罪。如出痘。則非我斷不能治。是家素信天士醫能通神。婦妄聽之。三日後果出痘。羣醫咸謂不治之症。延天士至。天士曰。我固謂非我不可也。當用藥二劑。即起水上漿。又二劑結痂而愈。遂爲外甥求親。是家感活命之恩。許之後。問何以知其將出痘。又何以爲救。曰。吾觀其耳後及太陽痘紋甚現。故知其將出痘。惟滿而肝腎之色。其毒必深。恐出痘時毒不能達。故猝然驚之。驚則不待痘發。其毒早已起而離其原所矣。他人所以不能施治者。因其病源不知耳。我則知其毒發於驚。從此消息。故可治也。

張子和醫事一則。一人因聞聲驚畏。致魂魄不安等證。子和診治。令人拍門窗。使其人復聽之。驚畏遂釋。蓋驚者。忽然而遇之也。使習見習聞。則不驚矣。

葛可久醫事一則。一婦娠將晚。氣上逆痛不可忍。就可久治。可久見之。遽以掌擊案。厲聲大叱之。婦驚產一子。可久慰曰。向見爾氣色青逆。是兒上攻。少緩不可救矣。猝然被驚。故即產也。

### 關於命火衰弱之療治法

周雪樵醫案。寧松亭者。體質頗弱。向有唾血之症。痰中雜血。如絲如縷。其色殷紫。至去年癘。得病不能飯。僅食粥。亦不知味。每至下午三四點鐘。則精神倦怠。僵臥不能言語。由兩足冷起。上至膝。其冷如冰。不能行走。至深夜乃稍熱。如是者一年。徧延在滬名醫。診皆不效。就診於予。診其脈極爲沉細。胎白膩而厚。唇燥而不甚嗜飲。夜臥不甚熟。曰。此中醫所謂命火衰之症也。人身消化飲食之原理。在胃者專消蛋白質。若脂肪則胰胆汁合化之。小粉質則口津消其十之三四。餘至小腸而化。專消化胃中蛋白質者。其質與淡鹽強水同。而中有原素曰啤先。尤司全胃消化之功用。此物於胃熱度不足。或過高時。皆能失其力。力失則食無味。且臍脹。

矣。而其失力之原。由於呼吸之機竅不靈。吸入養氣。不能滿其量。養氣缺乏。則燦燒無力。而熱度銳減矣。今君之不能食者。脾先缺乏之故也。冷於足者。養氣不足故也。每日至日晡乃發者。肺機力乏故也。譬如鋼簧已壞。勉能行走之時表。雖以匙開之。而久則必停。故至日晡。則精神之用畧久。機簧將停。故有倦怠足冷之狀。治之之法。非補其元陽不可。乃以附子桂枝爲君。佐以二陳柴胡乾薑棗仁佩蘭等。令服五劑。復診。則服葯殊安。但亦無功效。細審其症。脈沉細。舌苔白膩而厚。唇燥而不甚嗜飲。無不宜辛溫之理。遂加重前方分兩。並加安桂。仍令服五劑。及再復診。則寐已熟。神較旺。足冷亦較輕。乃益加重其方。並與豬腹中所取脾。先令於食前服五厘許。復五劑。胃氣大蘇。足冷亦大減。計服藥不及二十劑。而能進飯一碗許。口亦轉潤。且能到門就診矣。

### 關於宗氣虛陷之療治法

張壽甫醫案見衷中參西錄一人年二十餘。因力田勞苦過度。致胸中太氣下陷。四肢懶動。

飲食減少。自言胸中滿悶。醫者投以開胸理氣之劑。服後增重。又改用半補半破之劑。兩劑後病又見重。又延他醫投以桔梗當歸木香各數錢。病大見愈。蓋全賴桔梗升提氣分之力也。醫者不知病愈之由。再服時。竟將桔梗易為蘇梗。升降異性。病驟反覆。自此不敢服藥。遷延二十餘日。病勢垂危。喘不能臥。晝夜倚壁而坐。假寐片時。氣息即停。心下突然脹起。急叫醒之。連連喘息數口。始覺氣息稍續。倦極偶臥片時。覺腹中重千金。不能轉側。且不敢仰臥。延愚診視。其脈乍有乍無。寸關尺三部。或一部獨見。或兩部同見。又皆一再動而止。此病之危。已至極點。因確知其為大氣下陷。遂放膽投以生箭芪一兩。柴胡升麻黃肉去淨核各二錢。煎服。片時腹中大響一陣。有似昏憤甦息。須臾恍然醒悟。自此呼吸如常。可以安臥。轉側輕鬆。其六脈皆見。仍有雀啄之象。自言百病皆除。惟覺胸中煩熱。遂將方中升麻柴胡皆改錢半。又加知母玄參各六錢。服後脈遂復常。惟左關參伍不調。知其氣分之根。猶未實也。遂用野台參一兩。玄參天冬麥冬帶心各三錢。兩劑全愈。

編者曰。喻嘉言云。人氣以成形耳。形之中。有營氣。有衛氣。有藏府之氣。有經絡之氣。然環流不息。通體皆虛者。全賴胸中大氣。一名宗氣。爲呼吸之總持。呼吸清而徐者。宗氣之盛。呼吸短而促者。宗氣之衰。若呼吸往來振振動搖。必死之症矣。是則宗氣之盛衰。關於人之生命。生死朕兆。胥於此乎。卜之其重且鉅也。如此。張君壽甫氏。本內經推申其義。且即大氣入臟猝死一條。爲辨明証象。立說訂方。其有裨醫界不少。有志於醫者。可購取所著衷中參西錄閱之。以盡其旨。



# 報告門

## 引種牛痘淺說通告

理事 劉毓麟編

### 引痘原始

痘證。是先天胎毒。無形無影。潛伏五臟。深隱命門。感觸天行。發出肌膚。治不得法。人多夭折。數百年前。纔有痘痂塞鼻孔法。亦能保全。不如引種牛痘。更爲穩便。引種牛痘。始於嘉慶十年。西洋英國國醫咕拿。自小呂宋航海至粵。與人施種牛痘。獨操萬全。其苗取於牛。名曰牛痘。擇於兩臂中消燦穴。在肩下四寸。清冷淵穴。在肘上三寸。二穴上下交連之處種之。似與塞鼻孔法有異。殊不知二穴部位。乃手少陽三焦經也。三焦者。人身最關要之府。如天地之三元。總領五臟六腑營衛經絡。通內外左右上下之氣。三焦通。則內外左右上下皆通。得其關要之處。引之。直從皮毛血脈肌肉筋絡。直傳而入。縱使有胎毒深藏於腎。亦自然引挈而出。故凡

種痘。皆用引法。引毒從皮毛血脈肌肉筋骨同時而出。則牛痘爲最捷也。自咭拿君傳與邱君浩川。將及百年。傳遍東亞。皆曉引動牛痘。可免嬰兒遭天之厄。誠善法也。

八十

### 第一 審穴

凡引種牛痘。須將穴道認定。消燦穴在肩下四寸。清冷淵穴在肘上三寸。肩肘相直。便是手少陽三焦經穴。自道光十四年。向君南橋又添種俠白一穴。此穴是手太陽肺經穴也。恐其兩穴相隔太闊。未能交連。因小兒三歲。兩臂已長。故補俠白一穴。若嬰兒將過百日者。只種兩穴。因嬰兒臂短。俟自穴不種爲是。

### 第二 痘漿

外洋向無痘證。後由他處傳染。患的亦多。後見牛乳傍有青藍小泡。形與痘類。因悟牛之患痘。必輕。以之傳人。必然無害。於是按針刺法。取牛痘之漿。種人兩臂。二日果於所刺之處。引出。按日起脹。按日灌漿。按日結痂落靨。無一損傷。無一復出。

蓋牛土畜也。人之脾屬土。以土引土。同氣相感。同類相生。故能取效若此。痘種自牛來。故曰牛痘。後以人漿傳種。因小兒有癩痢驚風之疾。以此漿傳種他兒。斯疾亦有傳染者。自光緒十六年。皆用日本牛痘漿苗。無此流弊。至民國五年。北京上海俱能造牛痘漿苗。用之無異日本痘苗。已數年矣。

### 第三 種痘手術

初傳種痘法。左手執小兒之臂。以指甲點其穴。右手持刀。刺其穴。不可出血。不可太淺。手宜輕。不宜重。刺破薄皮。如深桃紅色。闊如分許。然後以刀挑漿。與紅色處調勻。俟漿乾。再行與小兒穿衣。免得將漿擦去。其痘不出自宣統元年。以刀帶漿點痘。仍以左手執小兒之臂。右手指甲按點穴處。用刀輕刺。不可出血。又不可太淺。色如深桃紅。深淺為合宜。俟二十分鐘。漿乾方可穿衣。

### 第四 出痘時宜辨

自刺引之後。不甚發熱。起初二三日。所刺處常如蟻咬。然至第三四日。微露形影。

發出痘。尖頂脫血跡。第五六日起如小疱。週圍灌水。第六七日水足灌漿。微微覺癢。第八九日灌漿滿足。兩腋底微疼。畧似結核。頭額掌心俱熱。此週身毒由此出。毒發則火動。正要其元陽運也。其痘灌漿滿足。有如菘豆大有如白豆大者。第九日十日脚外紅暈隨散。微熱必退。漿轉黃臘色。先從痘心焦硬處變蒼而結。壓半月之外。壓落有疤。其壓光澤厚。捲邊如小香菰樣。細看疱內更有幾點小疱。居其中。此種情形齊備。可告成功。天行之痘。醫家先論成色。牛痘則須分真假。凡痘頂平而不尖。脚收束緊實。色如珍珠寶光。中央一點焦硬。根脚如有紅線圍纏。痘脚外有紅暈。如先天毒重。則有紅暈。先天毒輕。則無紅暈。如此者。乃真痘也。無水無漿。無紅線脚。或灌水而不上漿。或灌漿如黃白膿者。其痘頂尖而不平。脚斜散而不緻不收束。色淡白暗而無寶光。結壓黃而薄。又有中央厚而邊薄者。此假痘也。真痘既出之後。天行永不復出矣。

天行之痘。必由五臟一經而發。牛痘亦然。間有夜睡畧驚。搐畧煩躁者。主心經也。

有畧多眼眇者。主肝經也。有略作渴。畧作困。及泄瀉者。主脾經也。有略咳嗽及噴嚏者。主肺經也。有夜睡齧牙者。主腎經也。何以既走五經。而不用服藥哉。蓋引之則症輕。所謂毒不橫而症自順也。

假如兩臂各出一顆。則引泄已勻。可無後慮。或止一臂種出。或獨出一顆。其毒已發。數十年來。亦未見有再出者。然或慮引泄未清。恐有後患。則須俟其元氣既復。一年之後。再補種一次。更爲細密。然彼時毒氣已輕。即或種出。必不如初次之形象矣。

又有八九日灌漿。如藍紫色者。此係胎毒極盛。亦必須次年補種。更有種一次。一顆不出。至種第三次。復出者。此非引泄不驗。良由小兒先天毒氣太盛。根深蒂固。一時難於引拔。尤須隨期復種。倘不再引。恐毒氣已微動。不得其苗引發。必然惹出天花。雖有痘科醫治。亦無牛痘之從容自在也。

種痘後。斷不再出。或有出者。名曰小痘。非真痘也。猶之天花之後。亦有水痘。必先

發熱一兩日。然後發出。仍亦灌水。其中或有數顆略大。亦似灌漿。痘脚亦似有淡淡紅線。但六七日必結壓。壓薄如紙。萬無妨碍。幸勿誤聽人言。認爲再出。

#### 第五 痘後宜忌須知

種痘之初。三四日宜食海參腸洗淨。火腿。冬笋。芫荽。粥飯。一切清淡各物。到灌漿時。宜食糯米粥。以助其漿。忌食暈腥。辛辣。如雞。魚。蝦。蟹。海味。羊肉。牛肉。雞蛋。鴨蛋。及一切煎炒熱毒凝滯之物。放苗之初。太酸太鹹各物。則不宜食。及豆腐亦恐致癢。

#### 第六 痘後治療

現點之後。細看其起發何如。若現點之處。其色通紅而有小珠。不必服藥。只服芫荽一次。量其歲大小。如一歲者。服芫荽水一小杯。歲大者遞增。如色淡紅而珠不圓。起發不快。宜服宣提痘毒散。

防風二錢

升麻一錢

蘇葉一錢

荆芥穗二錢

枳殼一錢

桔梗一錢 羌活一錢 白芷一錢 川芎一錢 前胡一錢

葛根一錢 牛蒡子四分 山甲珠四分 木通七分 甘草五分

俱研細末。每一分。開水泡服。歲大者服二分。

起脹之期。痘頂平而明亮。通白。外有紅暈。不必服藥。

若痘色淡白而暗。宜服托漿滿頂散。

生芪 當歸 酒炒白芍 生地黃 川芎 黨參

防風 連翹 山甲珠 白芷 炙草 黃豆

水煎兌糯米酒一盃服

千金內托散 治痘色暗無寶光者

生芪 黨參 當歸 白芷 防風 酒炒白芍 川芎 肉桂 山查

厚樸 木香 炙甘草

水煎兌糯米酒服

元參解毒湯 落痂後宜服。掃除餘毒。以保萬全。

元參 乾地黄 赤芍 當歸 連翹 炒牛子

防風 荆芥 木通 淡竹葉 燈芯引

治痘潰爛。

灰草散

荔枝殼燒灰存性 草紙灰存性 多年陳茅草晒乾

三味共為細末。滲於爛處。水乾即為結痂。

又白龍散

用陳久乾牛糞燒過取中間白者。研末敷之。

又豆灰散

黃豆燒灰研為細末。滲之

如痘潰爛。流水不止。



## 用敗毒散

取多年蓋墻屋爛草。或稻草。洗淨泥垢。晒乾爲末。

此物久經風霜雨露之滋。而感天地陰陽之氣。善解瘡毒。能收濕氣也。如痘破成坑。不能合口。

## 用生肌散

黃連 黃柏 甘草 地骨皮 五倍子 枯礬 各一錢

共爲細末。滲於患處。

痘後諸瘡俱用

## 金華散

黃連 大黃 黃芩 黃柏 黃丹 輕粉 各等分

麝香 少許 共爲細末。瘡乾。用豬油調敷。瘡濕。用末滲之。

## 痘疔用拔毒膏

第五期 報告門

八十七

雄黃 輕粉 共爲細末。用胭脂水調敷。

痘風癬用

黃豆衣。殼煎水洗之自散。

餘毒紅腫。用三豆散。

菘豆 黑小豆 赤小豆 共爲末。調醋敷之。

又芙蓉膏

芙蓉花 黃荊子 各等分 共搗爛用雞蛋白調敷

凡敷藥皆流頂勿敷。使其毒由頂而出。

附圖式二


小兒體式種痘穴道圖

左右穴同



第五期 報告門

執刀如持筆式



# 通訊門

## 張季直先生致會長書 八年七月

百川督軍大鑒。辛亥以來。各省不受外界潮流。而獨立有爲者。山西與新疆。而新疆處邊陲。接觸少。故公尤爲其難也。風雨如晦。鷄鳴不已。每誦風詩。爲人言。肅然起敬。一昨快讀手教。佩仰良深。敝處所辦自治實業教育各事。粗具雛形。尙須改進。醫道與人生性命息息相關。亟應注意。難得吾公慈祥宏願。亦具此心。走辦此間醫學專校。亦已八載。畢業三次。六十餘人。並設醫院。爲學生實習之地。社會習慣。信中醫者多。中醫主氣化治虛證。亦誠有獨至之處。因是添設中醫一級。但中醫教材缺乏。教者學者又尠通才。與西醫教材教法。實相逕庭。一時溝通。亦殊不易。慈擬於中醫科。加生理化學二科。西醫科。加本草藥物二科。令學生自相融洽。希冀溝通。并欲學生先習中醫數年。徐學西醫。氣化形體。洞悉無遺。期以十年。人

材當有可言。所苦學生志願。利於速成。重在謀生。走之期望。不知何時始達。茲奉  
上中西醫學則一份。敬乞檢存。尚希指教。匡所不逮。實爲厚幸云云。

### 會長覆張季直先生書

八年七月

嗇公先生大鑒。接奉手教。敬聆一一。承賜寄中西醫學則各一份。拜領之餘。感謝  
無既。我公慈祥濟世。造福斯民。培醫國之英才。闡活人之絕學。豐功大業。當與提  
倡實業教育。同垂不朽矣。敬佩之至。某某竊矢斯願。期步後塵。數月以來。尙無頭  
緒。困難情形。誠有如尊函所云者。始知個中甘苦。非過來人不能道也。尊處畢業  
已三次。課程當非常完善。如荷厚愛。逾恒。請再賜寄中醫課程一份。俾得周行見  
示。借重前車。尤所感盼云云。

### 陳蘭圃先生致本會函

八年七月

中醫改進研究會鑒。頃閱報見貴會有徵訪名醫醫書宣告一則。不勝爲吾國醫  
學前途賀。鄙人不敏。請畧抒所見。以備貴會之採擇焉。其一吾中國醫書。自神農

本草黃帝內經秦越人難經仲景傷寒金匱以次歷代名家著述頗不乏人。然羣言淆亂。必衷於聖。學醫而不讀內難。譬如數典忘祖。有枝葉而無根本。願經義雖極淵奧。倘不得其讀法。及條分縷析以求之。則散漫無歸。而其所得者鮮矣。以某愚見。宜仿西法分生理學。解剖學。病理學。診斷學。方劑學。藥物學。及各科學以統括之。靈樞甲乙二書。論人身筋絡穴道。氣血源流。及針灸治病之法。若以西醫解剖證實之。則其道益明。吾國古時製器。不及近今科家學之精。故外科解剖。遜於西醫。而內科疾病。關於氣化。有非解剖所能悉知者。則西醫似不如中醫也。素問難經。言病理之所以然。可稱之爲病理學。而以諸家之論著屬之。巢氏而下。金元四大家。各有所長。喻嘉言。柯韻伯。張隱菴。黃坤載。葉天士。陳修園。徐靈胎之書。亦俱有可觀。以經爲經。以百家爲緯。分門別類。列爲綱目。其有論方脈者。則分爲方劑學。診斷學。素問雖只數方。然六淫所勝。平治之法。可爲配方之要領。神農本草經爲藥物學之祖。若以西洋化學試驗之。取其所同。闕其所疑。參以臨證用藥之經。

驗十中亦可得其八九。吾國藥品以用草木爲多。而西藥則多用金石。內經云。金石毒藥皆從西方來。天之生物。生高原者氣味厚。出低地者質味薄。氣稟不同。故用藥當視人之體質血氣以爲輕重。有宜草木者。有宜金石者。有宜血肉有情者。中西醫藥各適其宜而用之。不可偏廢也。藥物既明。然後可言配方之法。方劑一門。可分傷寒方。溫病方。雜病方。及各科方。仲景傷寒金匱。一治傷寒。一治雜病。其配方之法。雖皆本於內經。而分兩之多少。增減變化。與化學配合之理相合。傷寒金匱可稱爲方劑學。而以千金外臺聖惠等方書屬之。其論脈證者。可稱爲診斷學。夫望聞問切四字。爲學醫之要道。能精於是。斯可謂神聖工巧。泰西醫術雖大發明。然望聞皆憑器考察。若以耳目之力。決人死生。知其疾病所苦。則有不及中醫者。二者宜並參之。至切脈一事。西醫所分甚簡。殊不及中醫之詳備。但近日中醫脈法。揆之內經傷寒。頗有歧異。能精軒岐長沙之脈法。則診斷必不致悞。而治病捷如桴鼓矣。以經證經。以西證中。條分縷析。批郤導窾。而醫有不明。學有不進。



者。未之有也。其二傷寒有五。溫病即五中之一。近今流行病。大江南北。以溫病爲多。不可不注意以研究之。言治溫病者。葉氏最精。吳鞠通溫病條辨。吳又可瘟疫論。王夢英溫熱經緯。霍亂論。及瘟痧要編等。皆爲要書。傷寒首六經。溫病始三焦。有手經足經之別。其用藥有辛溫辛涼甘寒苦寒鹹寒之異。能熟於傷寒溫病。則治病自有把握。其所以誤治者。皆由寒溫不辨。經絡不明。虛實不分。用藥不精。故也。其三喉科最爲急症。治之不慎。爲禍最速。其屬風寒者十之三四。屬風熱者十之七八。白喉治表抉微。及喉科心法等書。言之甚詳。經云一陰一陽結。謂之喉痺。洵爲扼要之言。君相二火。厥陰風木爲害。是以風熱爲最多也。其外吹之方。昂貴甚多。藥肆中所未有者。皆宜預配以備臨時之需。至婦科之病。由於七情內因所致者爲多。三陰之疾。亦關於衝任。其最要者。調經經閉崩帶滯下胎前產後而已。金匱治婦人病。方法最精。醫宋金鑑濟陰綱目。女科要旨。胎產心法。達生篇等。皆爲婦科之要書。小兒科名爲啞科。雖無七情之病。然其臟腑柔弱。不勝重藥。非素

有經驗者。用藥不能取效。小兒之病。由於風火痰食四者爲多。風火入足厥陰。則爲急驚。脾胃虛寒者爲慢驚。急驚慢驚。皆後人所立之名也。其四研究西醫。所以輔中醫之所不及。舍長取短。惟善是從。二者不可偏執。中醫十三科。及西醫各科。皆宜兼設。祝由科與催眠學。可併爲一類。更設玄學一門。以濟醫藥之所不及。內經云。上古有真人至人。易經道德經參同悟真。皆道學之要書。精於醫者。未有不通道者也。其五搜羅醫籍。擇其精要者。集爲一編。名曰醫學叢粹。更譯西醫之精者。以附益之。設醫報雜誌。登錄醫院病案。以與天下習醫者共相討論。如是則真理日明。學術日精。躋斯民於仁壽之域。其功德又豈讓於良相哉。管蠡之見。不足以窺其大。是否有當。還行明教云云。

### 覆書

(上略)接閱來書。名言至理。益我良多。本會研究規則。分醫學藥學方劑學三類。醫學以內難。藥學以神農本草。方劑以傷寒金匱千金爲基礎。而博採古今各家。

及東西學說。折衷而溝通之。此皆與來書數典不忘。惟善其後之意。如合符節。惟是本經有限。百家繁雜。擇其最要者。至少亦必類數十種。每種亦數十卷。精選條分。已屬不易。貫通融會。尤爲極難。然不得不勉爲其難。暫分十科。本此法以講授。來書所列針灸、溫病、喉科、兒婦等科。固未嘗遺漏也。至於祝由、催眠及道家修養。皆醫學所宜深究。惟未得其人。暫付闕如。其進行計畫。宜有步驟。現正經營傳習。俾其速成。分配各縣區。就近推廣。俟醫校醫院成立。其書報雜誌醫案一切酌量仿照西法。如來書所謂分爲生理、病理、診斷、解剖、藥物、方劑各門。使閱者耳目一新。此又關乎形式上之改觀者矣云云。

陳治愚先生覆會長書 十年十月

百川督軍會長先生麾下。兩奉醫學雜誌。拜讀之餘。曷勝景仰。邦賢學殖荒落。行能無似。辱蒙推任爲名譽理事。益增惶悚。竊嘗考吾國歷代醫學之沿革。至爲龐雜。周時陰陽風雨晦明之說盛行。秦則有道家之說混入。漢則有陰陽五行之說。

混入。唐則有佛教之說混入。宋時性理之學盛行。遂又混入醫學。金元則因時勢而有門戶之見。清季則有西洋醫學日本醫學之輸入。蓋一代當時某種之學說盛行。而醫學家莫不吸引。援以爲證。或謂吾國醫學古優今拙。其實今勝於古。如清代喻嘉言徐靈胎葉天士薛生白王孟英諸家之學說。實多超過前人。惜乎吾國醫學素重哲理。每遇疾病。爭論橫生。派別有南北之不同。學術有古今之歧異。此吾國醫學之所以不能成爲有統系之學科也。我公提倡中西醫學。而尤以改進中醫爲急務。福國利民。莫此爲甚。夫吾國醫學雖極龐雜。倘能以科學的方法而整理之。未始不可蔚然成一有系統之學科。如素問靈樞。內含有解剖學。生理學。病理學。診斷學。諸學科。（邦賢曾本此義著輯素靈新義。爲中西匯通醫學叢書之一。現已付刊。容日呈政。）傷寒金匱。內含有傳染病學。內科學。外科學。療學。諸學科。溫病條辨。溫熱經緯等書。內含有一切熱性傳染病及治療之方法。類此者甚多。如能對於解剖組織生理細菌衛生諸學。則新舊匯參。病理診斷內科外

科婦科兒科諸學。則以中醫爲體。西醫爲用。治療藥物調劑諸學。則本諸歷代先哲之經驗。及臨床實驗之效果。若針灸等爲吾國之特長。則竭力保存而彌彰之。如此不數年後。而吾國醫學煥然一新矣。且可引起世界各國之注意。如早年某德醫曾譯述吾國本草綱目。近如法國來華。商借四庫全書繙譯。(四庫全書內有醫部。)並於大學內添設中國學科。(其計畫書有中國醫藥學科。)此皆外人研究東方學術之動機。吾人正宜利用此機會。交易其知識。使國家醫學擴張其勢力。以與歐美諸國相抗衡也。邦賢尤有屬望於本會者。即會萃全國醫學人才。纂輯醫部叢刊。(仿醫宗金鑑等書先例)集清代以前醫學之大成。俾全國醫者有所楷模。另組織中醫大學。(或特設。或附設於大學及專門學校內。其辦法可仿最近選科學系俾造成專科人才。)設立醫學圖書館。以擴張醫事教育。其他若藥學研究所醫藥用具製造所。醫藥書籍繙譯會。(將中醫書籍繙外國文推行國外。並譯述他國特長之醫藥書籍。轉輸於國內。)均應次第爲謀。將來吾國

醫學之昌明。由山西及於全國。推行於全世界。皆我公盛德仁政有以致之也。邦賢不才。愚者千慮或有一得。妄貢蕝蕝。尚乞採擇。臨楮神馳。依依不盡云云。

嚴癡孫先生致本會書

十月十日

改進研究會諸有道公鑒。辱承惠書。委鄙人充貴會名譽理事。拜命之餘。曷勝惶感。鄙人海濱側陋。罔有學識。小農君阿好謬舉。貴會遂不遠千里。來相咨詢。其如鄙人無一得之愚可供。奈何。際此歐風東漸。國學垂亡之秋。凡關心國粹者。莫不羣爲興起。出而維持。冀挽回於萬一。然時尚所趨。彼衆我寡。默察前途。恐歸失敗。是非固結。大團體不足以圖存。貴會諸同志早鑒及此。登高而呼。急起直追。能融合中西於一爐。以研究所得。編刊月報。行見風行海內。廣通聲氣。鄙人在下風。無任欽佩。奉上醫書三冊。至請察收。并希斧政爲幸。貴會前賜雜誌。望再惠寄十份。俾分送敝會同道購閱。以擴眼界而長學識。是所切盼云云。

覆書

(上畧)頃奉覆書。辱承慨諾。擔任名譽理事。並荷獎飾。慚感交并。敝會宗旨。於中西學術。不敢有所軒輊。惟極力發揮吾學之真理。處處印證西學。使人知今之所謂新者。皆吾固有之學術。特讀者不察。惑於名詞文法。遂使舊者日見其失敗。而新者詭為開闢以來所未聞。良可慨也。無如同志無多。才力有限。雜誌所登會中稿件。所謂馬骨千金。請自隗始者。將毋類是。先生濟世活人。行道二十餘載。溝通新舊。保存國粹。當不以愚言為河漢也。承惠大箸四種。各三部。捧讀一過。述古之功。侔乎著作。述之為道。亦曰始終條理而已矣。非大學識極淵博家。曷克臻此。佩甚佩甚。雜誌遵寄十份。統望營政分致云云。

尹天民先生致本會第二書

(上略)嘗思素問五帝政大論。帝曰天不足西北。地不滿東南。蓋陰精從西而北。陽氣從東而南。又讀英醫合信氏博物新編。謂南北二極。以半年為日。以半年為夜。尤非人類所能居。此地球上之亞東歐西。所以為人類各國之最寬宏地。亞東

一百〇二

之人屬春木其鬚髮黑與目睛黑以其獨稟生我之氣母大足內經云金生水又水之色為黑歐西之人屬秋金其鬚髮黃與其鼻為土星高亦以其獨稟生我之母氣大足內經云土生金又土之色為黃至其目睛灰藍色而有似青似白似黑乃是木遇金制腎水從中以濟之也內經云肝開於目又云肝屬木又亞東用藥草木多於金石歐西用藥金石多於草木乃天地自然之界限而真有匪夷所思者矣再考合信氏博物新編謂地球小於日一百三十萬倍其體圓如橙每日自轉一週由東左旋向日則光背日則黑是為晝夜其太陽日輪常居中點地球與衆行星圍日輪一週則成四季計三百六十五日二時七刻是為一歲印證素問五運行大論篇帝曰地之為下否乎岐伯曰地為人之下大虛之中者也帝曰馮乎岐伯曰大氣舉之也並核其週歲之日數時刻亦皆針鋒相對噫嘻內經一書何嘗非西醫之先導哉况吾人右耳目不如左耳目之聰明乃天不足西北之證也左手足不如右手足之便強乃地不滿東南之證也又春夏以養陽秋冬以養陰種種聖語煌煌出自內經大有默契天垂象地成形之至



故亞東之醫。所長在氣化。歐西之醫。所長在形迹。乃本原固有之性質也。又考素問五常政大論篇。岐伯曰。西北之氣散而寒之。東南之氣收而溫之。所謂同病而異治也。此是一國之內。尚有南北之不同。豈於全球之上。並無東西之異氣。若我國。盡取歐西之醫法。約法以治病。而不保全軒岐之至道。買贖還珠。逐末忘本。吾未見可也。進觀靈樞經水第十二篇。謂經脈十二者。外合於十二經水。均指中國疆域之瀟。渭。海。湖。汝。澠。淮。滌。江。河。濟。漳。諸水。而未及當今各國環立之太平洋。大西洋。二海。足徵此書乃從前閉關時代之聖典。究竟內經一書。約之有如一粟。推之則能充塞天地。可見岐伯之心。高乎日月之上。而軒岐之量。包乎天地之外也。  
未完

### 覆尹醫天民先生書

(上畧)來書宣告靈素兩經。爲醫門萬世之祖。採擇古今內經各序要言。崇拜馬張二家註釋。層層叙說。中間融會西醫。同源異派。終則極諸神化。與儒術治術相

貫通。洵救世之良言。岐黃之護法也。內經一書。靈樞先於素問。從來主張此論者甚多。近人且有謂靈樞真而素問僞者。蓋以其一簡而賅。一復而雜。愚以爲靈樞若春秋。素問若三傳。先後亦不甚相遠。究其精義。止不必究其爲何代所作。惟詞旨精微。學者視爲登天不可幾及。王冰之註。以經解經。大匠誨人。惟示規矩。馬張兩家。畢生研鑽。萬言注釋。可謂詳且盡矣。而淺人猶未易窺。愚嘗攷究其理。譬諸作文習字。其初苦於不能深入。既深入其中矣。又苦於不能顯出。馬張之註內經。母亦於顯出之旨。稍有未備乎。以兩先生之積學。非不能顯出。亦非不欲顯出也。夫氣化之與實象。相輔而行。缺一不可。無氣化而但言實象。則運用不靈。無實象而但言氣化。則空虛難信。故必須証以解剖之學。吾意岐黃時。內經言氣化。必有外經論生理解剖蠟人模型者。惜代遠失傳耳。馬張兩先生心知其意。而不敢自我作古。故單就內經釋內經。精則精矣。顯則未也。向使生於西學發明時代。則其註釋。應如何爽人心目耶。天下事。必知彼知己。而後能制勝。爭存今之專尙西學。

詫爲開天闢地所希聞。殊不知無一不合乎內經。特文法名詞不同耳。是謂不知已。其守一先生之言者。又未博覽西書。纔涉皮毛。遽爾徒奮空拳。加以謾罵。是謂不知彼。我輩生於今日。何幸西學發明。生理解剖。有圖有書。讀內經者。參互攷證。究以精心。事半功倍。化腐朽爲神奇。啓新知於舊學。干城吾道。折服彼心。何快如之。時乎時乎。弗可失矣。先生冰雪聰明。博學精思。一日千里。洵老杜所謂不薄今人愛古人者。用敢聊抒鄙見。以質高明云云。

### 覆孝義縣呂知事

逕覆者。接到公牘。備悉執事。遵奉省長行知。設立中醫改進研究分會。因一處難於招集。按區分設五處。以醫學畢業生充當主任。各區行政長兼充理事。萃齊區內醫家。名以會員。按期赴會討論研究。以期改進。而重民生各情。夙諗執事術擅岐黃。官如勾漏。出其終餘。即可造就一方。披閱簡章。所辦情形。迥非他處可及。忭慰無似。事關實學。尤冀無託空言。始終罔懈。所有研究要義講演稿件。並望隨時

見示。互相商榷。醫會爲研究團體。慈善事業。嗣後統用書函往來。無須公文程式。再本會所編醫學雜誌。全年六冊。其價極廉。外界不遠數千里。馳書爭購。而本省轉閱寂無聞。風氣難開。知音罕遇。良可慨歎。執事實心提倡。必能使全邑醫林。人置一部。以供研究也云云。

### 胡天宗先生致本會書

（上畧）適奉到貴醫會賜寄初期雜誌。得讀宏篇。如聞清夜之鐘。發人深省。慨自中醫不振。歷已年深。加以歐西解剖之學。震耀寰區。西人醫院。瀰漫中土。素靈之奧。發幾微。仲聖之經方。將泯。古今來碩學名流。所遺傳之精微妙義。將盡付東流。此真一髮千鈞。危急存亡之候。今得先生提倡。登高一呼。萬山皆應。不但保存國粹。將見取人之長。補己之短。何難駕西人而上之。所謂五百年必有名世者。非先生其誰歟。宗生長新安。曾游滬濱。所歷亦祇大江以南。徒讀醫書。殊少名賢印證。閱歷既淺。自愧學膚。未加祖述之鞭。每乏曹邱之遇。欣逢麾下。爲醫界謀進步。大

放光明。江海之大。不擇細流。非敢毛遂自薦。甚願千里求師。用特具稟前來。附驥入會。庶幾長蒙廸啓。藉以成材。敬賦古詞一章。藉銘祝頌。伏請郢政云云。詩曰：中醫沈淪無底止。西醫進步猶未已。豈真中人遜西人。祇緣未經研究耳。陳法拘泥鮮變通。卽以奧秘若捕風。表裡虛實證莫辨。病夫貽害真無窮。山西督軍閻省長。痼疾在抱關痛痒。政餘極力挽狂瀾。醫會宏開資培養。延聘國手集羣才。參觀互證同敲推。中西取長兼棄短。定有盧扁接踵來。會中規模無弗備。何事鄙人參末議。醫學雜誌蒙遠錫。盥誦回環經再四。我亦蚤歲習岐黃。孤陋寡聞心徬徨。從茲附驥深砥礪。利人利己遙相望。閻公此舉造民福。起死回生同化育。行見醫學駕環球。蕪詞聊爲蒼生祝。

### 楊燧熙先生祝詞

辛酉六月杪。爲山西太原中醫改進研究會創辦醫學雜誌之新紀念。凡我同志莫不欣喜。爰撰蕪詞。謹以奉祝。其詞曰：

山西醫學雜誌之出版兮。振聵發聵。起死回生於大地兮。聲氣遙通。新法新理之  
 精湛兮。參互攷訂以豁心胸。據岐黃之精義兮。振盧扁之遺風。惟是雜誌之成立  
 兮。全心協力以示大公。祝醫界之進化兮。良相功同。志欲其堅兮。氣欲其充。百折  
 不回之鞏固兮。三復呼嵩。醫學雜誌萬歲萬歲兮。永無窮。其二大哉雜誌。醫學引  
 嚮。衆流匯集。社會之光。枕中鴻秘。肘後神方。記言書事。有善必揚。由中迄外。巨細  
 兼詳。標新領異。探討不遑。高文典冊。鉅製喬皇。宜今宜古。心寫心藏。和緩俞跗。源  
 遠流長。百川學海。入室升堂。同志著作。炳炳琅琅。其二白人逼近。黃種堪憂。商戰  
 兵戰。學戰其尤。何以保此。惟賴醫流。研窮脈理。慎厥身修。五行生尅。氣化詳周。益  
 以雜誌。風行全球。山西發軔。速於置郵。中西醫學。博采兼收。國民無恙。國勢自優。  
 保存國粹。克壯其猷。飛騰一紙。走於五洲。開通既遍。種弱何愁。日升震旦。光耀美  
 歐。休哉斯誌。全國蒙庥。其三

## 譯 叢 門

## 梅毒之血清凝固反應診斷法

事理 薄桂堂

梅毒病診斷法中有所謂瓦塞孟 *Wassermann* 氏反應者。從來之解脫。皆謂由梅毒免疫原及其特異性抗體互相作用所起之特異性反應。然據近來學者之研究。知非梅毒性臟器之類脂肪體 *Lipid* 亦可作瓦塞孟氏反應之免疫原。則梅毒患者血液中含有特異抗體與否。遂屬可疑。而瓦塞孟氏所唱『梅毒經過中。對其 *Figener Organismus* 之類脂肪體發生固有之抗體』之假說。亦即根本的不容存在。野口氏以培養之梅毒螺旋體。注射真皮內。該注射部即潮紅浮腫。謂之路丁 *Luetic* 反應。用以診斷梅毒成績雖良。然臨床上之經驗。在已受治療之梅毒。呈陽性反應者固多。而未經治療之梅毒。則陽性反應數甚少。故當診斷上應用該反應之時。不得不大加注意也。瓦塞孟氏反應之外。對

於梅毒血清少顯特異性者有沈澱反應。然現象不判明。不足與瓦塞孟氏反應抗衡。臨床上遂不用之。

德醫亥西菲垵 Hirschfeld 及克連蓋爾 Keinyel 兩氏以血液凝固之原理為基礎發見一新梅毒診斷法。謂之凝固反應 Gerinnungsreaktion 其後福隆凱 Froenkcl 梯萊 Thiele 及白蘭垵 Brandt 氏等迭加試驗。知以凝固反應診斷梅毒。不僅確實。且對於既受治療之梅毒及潛伏性梅毒。其反應之銳敏度。是較瓦塞孟氏反應為優。茲先就血液凝固之生理的經過畧述之。而後詳述本反應之原理及試驗之方法。


### 血液凝固之生理的經過

血液之凝固。由二種作用相輔而起。其一為塊酵素 Thrombin (亦名纖維酵素 Teiltrinferment) 之發生。他一為纖維素原 Fibrinogen 受塊酵素之作用沈澱。而形成纖維素 Fibrin 使血液凝固也。塊酵素之生成。由左之二物質。



甲塊酵素原 Thrombolyen (亦名塞魯其謨 Seroeum) 為蛋白樣物質。血液中含有之。

乙塊活素 Thrombokinese (亦名豈道其謨 Cytoeum 或篤倫刑其謨 Thromboeum) 屬類脂肪體。以酒精可自細胞中浸出之。血液中惟血小板中含有之。血小板崩壞時。遊離而出。以鈣伊翁 Ca-Ionen 為媒介。使塊酵素原受作用。形成塊酵素。此既成之塊酵素。更呈作用於纖維素原。使之沈澱。此際則無籍於鈣伊翁也。茲為統系表示其經過之順序如左。



吾人欲證明某液體中含有塊酵素否。當於該液體中加一定量之纖維素原溶

液。視其凝固與否。凝固者即爲該液體中含有塊酵素之明證。而在塊酵素含量多者。該液體經一乃至二分時即凝固。塊酵素含量少者。經八乃至十五分時始凝固。若毫不含塊酵素。該液體亦始終保持其流動狀態而不凝固。是故塊酵素之含量與液體凝固所需之時間。恰成反比例。

純粹纖維素原溶液。其性質非一定不變者。經若干時間後。其作用即漸次減弱。據鮑代特 Border 及戴蘭華 Delange 氏等之經驗。不若修酸血漿 Oxala-t-Plasma 之稀釋液。可以長時間保存。且能防止塊酵素之發生。蓋修酸鹽（曹達或加里）與鈣結合成不溶性之修酸鈣而沈澱。致血漿中缺乏鈣。伊翁不能形成塊酵素也。

若更欲知某液體中塊活素之量。當於其中加一定量之塊酵素原溶液及鹽化鈣溶液。放置之。塊活素存在時。即漸次形成塊酵素。經十乃至十五分時。達於極點。於是更加入修酸血漿。則由前述之理由。血漿漸漸凝固。塊活素之含量多。形成之塊酵素量亦多。由是血液凝固所需之時間亦短。未完

雜俎門

容齋四筆摘鈔

理事 揚百城 趙意空 輯

雷公炮炙論

雷公炮炙論。載一藥而能治重疾者。今醫家罕用之。聊志於此。其說云。髮眉墜落。塗半夏而立生。目辟眼離。有五花而自正。脚生肉枚。棍繫若根。囊皺漩多。夜煎竹木。體寒腹大。全賴鷓鴣。血泛經過。飲調瓜子。咳逆數數。酒服熱雄。遍體癩風。診調生側。腸虛泄利。須假草零。久渴心煩。宜投竹瀝。除癥去塊。全仗硝磺。益食加觴。須煎蘆朴。強筋健骨。須是菴鱓。駐色延年。精蒸神錦。知瘡所在。口點陰膠。產後肌浮。甘皮酒服。腦痛鼻投。硝末。心痛速覓。延胡。凡十八項。謂眉髮墜落者。煉生半夏。莖取涎塗髮處立生。五花者。五加皮也。葉有雄雌。三葉為雄。五葉為雌。須使五葉者。作末。酒浸用之。目離者。正脚有肉枚者。取菴若根繫棍帶上。永痊。多小便者。煎草。

藜服之永不夜起。若患腹大如鼓。米飲調鷓鴣末服。立枯如故。血泛行者。搗甜瓜  
 子仁作末去油飲調服之立絕。咳逆者。天雄炮過以酒調一錢七服。癩風者。側子附  
者旁生作末。冷酒服。虛泄者。搗五倍子末。熟水下之。癰塊者。以礞砂硝石二味乳鉢  
 中研作粉用煨之。酒服神效。不飲者。並飲酒少者。煎逆水蘆根。並厚朴二味湯服  
 之。菘蓉並鱣魚作末。以黃精汁圓服之。可力倍常日也。黃精自然汁拌細研神錦  
 於柳木甑中蒸七日了。以密圓服。顏貌可如幼女之容色。陰膠。即是甑中氣垢。點  
 少許於口中。即知臟腑所起。直徹至佳處知痛。足可醫也。產後肌浮。酒服甘皮立  
 枯。頭痛者。以硝石作末內鼻中。立止。心痛者。以延胡索作散酒服之。

### 治藥捷法

藥有至賤易得。人所常用而難於修製者。如香附子。菟絲子。艾葉之類。醫家昧其  
 節度。或終日疲勞而不能成。本草云。凡菟絲子。煖湯淘汰去沙土。漉出暴微白。搗  
 之。不盡。更以酒漬經三五日乃出。更晒微乾搗之。須臾悉盡。極易碎。蓋以其類細

雖施工。其說亦殊勞費。然自有捷法。但撚紙條數枚。置其間。則馴帖成粉。香附子洗去皮毛。炒之焦熟。然後舉投水鉢內。浸漬透徹。漉出暴日中微燥。乃入搗臼。悉應手糜碎。艾葉柔軟。不可着力。若入白茯苓三五片同碾。則即時可作細末。

### 東坡蓋公堂記

東坡作蓋公堂記云。始吾居鄉。有病寒而欬者。問諸醫。醫以爲蠱。不治且殺人。取其百金而治之。飲以蠱藥。攻伐其腎腸。燒灼其體膚。禁切其飲食之美者。葶月而百疾大作。內熱惡寒而欬不已。凜然真蠱者也。又求於醫。醫以爲熱。授之以寒藥。且夕吐之。莫夜下之。於是始不能食。懼而反。則鍾乳烏喙。雜然並進。而漂疽癰疥。眩瞶之狀。無所不至。三易醫而病愈甚。里老父教之曰。是醫之罪。藥之過也。子何疾之有。人之生也。以氣爲主。以食爲輔。今子終日藥不釋口。臭味亂於外。而百毒戰於內。勞其主。隔其輔。是以病也。子退而休之。謝醫却藥。而進所嗜。氣全而食美矣。則夫藥之良者。可以一飲而效。從之。葶月而病良已。(下畧)

## 張文潛藥戒

一百一六

張子病痞。積於中者伏而不能下。自外至者捍而不能納。從醫而問之。曰：非下之不可歸而飲其藥。既飲而暴下。不終日而向之伏者散而無餘。向之捍者柔而不支。焦隔導達呼吸開利。快然若未始有病者。不數日痞復作。投以故藥。其快然也亦如初。自是逾月而痞五作五下。每下輒愈。然張子之氣一語而三引。體不勞而汗。股不步而慄。膚革無所耗於外。而其中繭然莫知其所來。聞楚之南有良醫焉。往而問之。醫曰：子無歎是繭然者也。天下之理其甚快於予心者。其未必有傷。求無傷於終者。則初無望於快吾心。痞橫乎胸中。其累大矣。擊而去之。不須臾而除。甚大之累和平之藥不能爲也。必將擊搏震撓而後可。其功未成而和氣已病。則子之痞凡一快者。子之和一傷矣。不終月而快者五。則和平之氣不既索乎。且將去子之痞而無害於和平乎。子歸燕居三月。而後予之藥可爲也。張子歸三月而復請之。醫曰：子之氣少全矣。取藥而授之。曰：服之三月而疾少平。又三月而少康。終年而復常。且飲藥不得亟進。張子歸而行其說。其初使人慙。然遲之。蓋三投其藥而三反之也。然日不見其所攻。久較則月異。而歲不同。蓋終歲而疾平。（下畧）

# 星期徵稿選刊

三焦之說歷來訖無定論。然按之內經有指氣化言者。有指實象言者。試分別條次之。申明其意。 薛復初

難經云。腎間動氣。人之生命也。十二經之根本也。故名曰原。又曰三焦爲氣之別使。主通行三氣云。按兩腎中間。名曰命門。一陽初動。相火發原之地也。故名門。又曰。焦源。是或言氣化。或言形象。要皆以此爲基始也。素問謂決瀆之官。虛樞謂中瀆之府。是官也。府也。皆寔指有形之物質言也。惟有此行水之器官。始能爲原氣之別使。有此貯水之府庫。始有通行三氣之道路。以其具氣化出水之官能。故水脹篇曰。三焦脹者。氣滿於皮膚中也。至若難經曰。治在臆中。內經謂上焦如霧。難經曰。治在臍旁。內經謂中焦如漚。難經曰。治在臍下。內經謂下焦如瀆。是霧也。漚也。瀆也。及司氣之所在。皆單指無形之氣化作用之部位而言也。惟其有各部之

主司及作用。故張潔古有云。霧不利則爲喘滿。瀝不利則爲留飲。瀆不利則爲腫脹焉。靈樞又曰。三焦膀胱者。腠理毫毛具應。金匱言腠者。三焦通會元真之處。玩此二語。合形質氣化之旨。已自發明無遺矣。後賢唐容川氏。又本此二語。匯參西說。謂人身內外皮裡。骨肉之間。臟腑之內。莫不有連網以聯綴之。此連網者。俗稱網油是也。咸由兩腎中間一條油系着於腰脊而發生油網。散布於全身。在軀殼之內者。則各藏府以膜相連。大者爲板油。爲膈。爲包絡。小者爲藏府之外衣。雖經謂三焦。經歷五藏六府者。是其義也。其散在肌肉之中者。則大者爲腠。西人曰蜂窩織。小者爲膜。西人曰筋肉外衣。本藏謂三焦。腠理其應者。又其義也。綜之。無形可以宰。有形有形。又可統無形。蓋剖而驗之。全身皆有。內應膈膜。外應腠理。列居十二官之一。有名有形之說。是也。專就氣化上言。則營衛隨三焦出氣。介於半表裡之間。故曰少陽爲樞。其氣主相火。火有游行全體之用。故又曰少陽爲游部者。有名無形之說。又是也。雖然。如以應於腠理。有形之三焦。証無形之氣化。則未嘗



不可。苟以如霧如漚如瀆無形之氣化。挫折有形之三焦。則斷乎不可矣。

參透經旨數千百年三焦有形無形之公案可以解決是快人亦是快語。趙意空評

### 前題

米煥章

營衛生會曰。上焦如霧。中焦如漚。下焦如瀆。後人本此數句經文釋三焦。而有名無形之說。遂自越人作難經始矣。此說一興。叔和啓玄而下。皆宗其說。經所謂決瀆之官。中瀆之府。儼然置於無着之地。惜哉。細味經文。此數語原為營衛宗氣釋義。帝以三焦之所出設問。伯特以三焦之氣化答之耳。無如後人誤會。致於經旨有相違悖。按本藏篇曰。三焦膀胱者。腠理毫毛其應。是人之全身內外。莫不有腠理以聯綴之。故仲景曾申其義曰。三焦通會真元之處。更與難經三焦通行三氣之旨。又相脗合矣。是必先有有形之器官。而後有無形之氣化。繫之譬之傳電者然。雖電氣有傳聲達信之能力。苟無種種之電機電線材料。其電氣無所附麗。將無所謂能力矣。三焦為原氣別使之義亦然耳。設無全身之腠理。膈膜必無化

氣行水之道路亦即無所謂如霧如漚如瀆之種種作用矣。前賢唐容川氏發之甚詳。頗與經旨層層入扣。如拘於單言氣化之經文。附和有名無形之說。使十二官有名有形之三焦。竟置缺席。竊謂必不可也。何則。古人之於三焦。所論亦極爲詳備。上中下三焦如霧如漚如瀆之種種作用。既闡明於內經。而上中下三焦若竅若編若瀆之種種狀態。又備載於禮運儒書醫籍。正以互相印證。可知古人談氣化亦未嘗略實象也。况本藏論勇等篇所論三焦厚薄以及緩急直結縱橫。至明且晰。以經證經。斯可曉然於無形之氣化。必根諸有形之器官矣。

參透經旨無義不精。後路稍畧。加添數語以暢其旨。揚如侯詳

有人年五十因事憂愁飲茶過多小便忽然下血如淋溺孔刺痛大便乾燥  
 飲食頓減乾食差強湯食不受少腹脹痛左部尤甚服龍胆草滑石清熱  
 之藥病反加重兩腿不能起立胸中加燒不能安睡交子時後溺孔尤痛  
 舌胎滑白微黃是何病理應用何方試詳言之  
 曹鴻儀

題中言此病之由。乃係因事憂愁。飲茶過多而致。愚細究之。決其土溼木鬱無疑矣。蓋人有憂愁不暢之事。最易致肝木之不舒。飲水過多。脾胃運化不及。停於中土。而爲溼。况茶之一物。最易耗傷脾陽。少飲能助食物之消化。多飲必然傷及脾胃運化之力。如是脾胃大傷。土溼木鬱之證現矣。溼鬱於中。水道不能通利。木鬱於下。不能暢達。故小便忽然下血如淋。此肝木現其衝擊之性也。衝擊之甚。是以溺孔刺痛。大便乾燥者。乃血亡傷津也。飲食頓減者。乃溼鬱中焦。脾胃不能行其消化之力也。乾食差強。湯食不受者。乃土溼惡水不欲再飲。以湯也。木鬱於下。是以少腹脹痛。肝氣行於左。故左部尤甚。亡血傷津。肝木必枯。再用龍胆草苦寒瀉肝之類。津液更傷。溼停中焦。脾胃必虛。再用滑石增溼傷中之類。土溼更甚。是以病反加重。土溼木鬱。陷於下部。故兩腿不能起立。中土溼鬱不能交濟水火。於是虛火上炎。上故胸中加燒。不能安睡。舌胎滑白微黃。子時以後。陽氣初生。陽生則動。木鬱之衝擊得助。故溺孔尤痛。此病木鬱土溼。亡血傷津。若用祛溼之劑。傷津液。

而助木之枯。用滋潤之品。碍脾胃而增土之濕。非祛濕滋潤合劑。刻刻慎重。不能受其效果。是以愈者甚少。至應用何方。管見可用潤木兼調土之劑。擬方於後。

熟地 阿膠 粉丹皮 炙甘草 茯苓 白朮 少加生薑煎服此方最周

妥息風潤木以解肝經之鬱。陷補中以運其升降。除溼以升其脾經。不寒不燥

有閱歷有學問之士也。彭子益評

今冬無雪明年恐起春溫試預擬發生何種病症有何方

法及治法

孫景淵

風寒傷人之陽。春溫傷人之陰。苟津液充足。內無積熱。謹戒色慾。勿過發泄。順時令以閉藏。何溫熱之能犯。內經曰。藏於精者。春不病溫。細味經言。斯防法及治法。俱昭然矣。今冬無雪。乾燥氣盛。明年發生春溫。理所必然。至發生者爲何種病症。須本當地之習慣氣候。參之內經氣運斗歷。始可以推測而預知。查晉省地勢高燥。風氣肅烈。居人多房密院狹。戶牖關閉。醞釀薰蒸。空氣窒塞。入冬以來。更夜臥

煖坑。晝圍煤爐。呼吸炭氣。內蘊積熱。每有感冒。多喜辛涼以透表。難用溫熱以散寒。今冬又乏雨雪。無以濡潤。人之燥熱。固已彌滿於身內。一交春令。風寒外束。相火內熾。發生溫病。有斷然者。再考明年歲紀壬戌。壬為陽干。運為有餘。氣化皆先時而至。大寒而後。初之主氣。即為厥陰風木。歲干化運。亦為風木。又以斗歷占之。立春正月節斗指艮。艮為土木之氣。雨水正月中斗指寅。寅為陽木主風。中有丙火。又為少陽相火之氣。驚蟄二月節斗指甲。甲屬木主風。春分二月中斗指卯。卯為陰木主風。又與酉金相沖。故例從陽明。兼主燥氣。明春風氣之厲。不卜可知。以客氣加臨推之。今歲辛酉。少陰在泉。終之主氣。本太陽寒水。而客氣乃少陰君火。明春客氣。即少陽相火。風火相搏。必發為風熱。故素問六元正紀大論。於辰戌之紀。有曰。初之氣地迺遷。氣迺大溫。草迺早榮。民迺厲。溫病迺作。身熱頭痛嘔吐肌腠癢癢等語。以上種種。推測明年正二月間。發生春溫。其症必身熱。(內而蘊熱)頭痛。(風熱)眩運。(風木)耳聾。(相火)或嘔吐。(胃火)或咽疼。(燥熱)或咳。嗽。(傷風)解散不早。

第五期 星期檢核連列

一百三三

必發。痲疹。（及裏俱熱氣分不解必入血分即肌腠疥癩義）惟明年太陽寒水司天足以減熱。太陰濕土在泉可以解燥。又司天生運曰順化。水生木也。此年民舒病少。明春溫病。或可無劇烈之患。至於防法。可就當地之習慣。畧救濟之。使房中多留孔竅。以流通空氣。睡坑寧涼。勿熱火爐。上置放盛水之器。蒸散水分。灑除塵燥。並常食梨汁。蘿蔔汁。去火生津。節色慾。戒過勞。以保藏精液。行路時止以鼻呼吸。免使塵沙入咽。發生喉症。如此防範。自可消患於無形。若論治法。衆說亦至不一也。如喻嘉言則指溫病於少陰腎。周禹載則指溫病於少陽胆。舒馳遠則指溫病於太陰脾。顧景文則指溫病於太陰肺。及厥陰心包絡。秦皇士則指溫病於南方。吳鞠通則指溫病於三焦。陳素中楊栗山則指溫病為雜氣。王孟英則指溫病為外感。張介賓張石頑以及戴天章皆指溫病為瘟疫。而石頑又指溫病為夾陰。媿媿動聽。亦若各有一理也。若不詳加採擇。果何以藥到病除之妙。茲將平素治驗之法。謹為陳之。如春溫夾感。宜用銀翹散。咳嗽加杏仁。枇杷葉。咽痛加元參生地。嘔吐加黃連竹茹。如春溫伏

氣宜用黃芩湯。春溫而在陽明經。身熱汗出。宜用白虎湯。在陽明府。潮熱便實。宜用承氣湯。逆傳心包絡。神昏便澀。宜用牛黃丸。或至寶丹。熱壅胸膈。宜用涼膈散。熱畜膀胱。宜用天水散。或茵陳蒿湯。發瘧宜用白虎化斑湯。舉斑湯。或犀角地黄湯。治溫病之大法。不過如此。至溫病之兼症夾症。難以悉舉。尤在善診者之隨症施治也。

以運氣推測各症其確。論諸賢治溫熱極博。選用各方的當。預防法以梨汁蘿蔔汁潤燥清熱。俱屬合宜。惟祇兩品。余再加生白菜心拌菜豆芽食。又於立春前一日。可服清寧丸二三錢。將內熱由膀胱逐出。亦防溫病一法也。劉蔭棠評

## 試言壬戌歲春溫論治

名醫 胡天宗

一百二十六

攷壬戌之歲。太陽寒水司天。太陰溼土在泉。辛酉冬令。天氣反溫。乃冬不潛陽。人體內有伏溫。外感新寒。所發春溫必重。經曰冬傷於寒。春必病溫。冬不藏精。春必病溫。又曰逆冬氣者腎病。奉生者少。蓋腎既失藏。坎水先虧。木火甚旺。而夾少陽之火。悉化爲壯火。火能內蘊。亦由陰虧陽旺所致也。其爲春溫者。必兼寒氣。外襲引動伏溫。初起酷似傷寒之頭痛。身痛。無汗。惡寒。發熱。目赤。口渴。舌白。脈形浮數。此溫邪襲衛分也。其病在手經。非若傷寒病在足經也。當用桑葉薄荷連翹牛蒡淡芩生甘草等味。無汗者少加蔥白淡豉以助之。咳嗽者加枇杷葉蔓皮川貝知母以洩之。汗多者加白虎湯。去蔥豉薄荷。至若羌防爲太陽散表寒邪之藥。今頭身雖痛。透表用薄荷已足。以免太陰入陽明之路。不然傳入陽明。或入氣。或入營。或爲痙厥。或發斑疹。變化不測。如已傳變。則見證用藥。初起預顧陰分。大忌辛溫辛散。鼓動陽氣。毋使病上增病。庶不愧爲司命矣。



針灸討論會治法選刊

水腫單腹臃脹症之針治表

醫學校 郭 卿

病名及其區別	水腫單腹臃脹症。此病先須以指按腫處。遲起者名水臃若隨按隨起者非是也。
初得至最重時之病歷	初得時。四肢微腫。飲食不能消化。喘急氣滿。延至肚腹臃脹。全身浮腫。針之即愈。如臍心突出。肚大青筋。或下痢無數。喘息不得。或足腫無紋。皆不治之症。
針灸時之病狀	四肢頭面浮腫。大小便不利。意欲飲食。食之一二日即厭。或思異美之食物。

第五期

針灸討論會治法選刊

一百二十七

得病之原因	氣色上之病	脈象中之病	病若何治時	針灸穴名	針灸用法	收效時間
<p>此病因內傷七情外感六淫飲食不節房勞致虛脾土之陰受傷不能利水胃雖受穀而氣虛不能運化故陰陽不交清濁相混水道壅滯而為熱熱留為濕濕熱相生遂成此症。</p>	<p>黃白色者吉。白如枯骨者死。黑如煤者不治。</p>	<p>洪浮有力者吉。微細不治。</p>	<p>病初發時宜針刺。不宜藥餌。倘病加重則可針藥並施。</p>	<p>腹溜穴。在足內踝上二寸。針五分。留五呼為度。</p>	<p>取穴法。曲中指二橫紋頭為一寸。病人正坐。將兩腿放平。針尖上刺。刺法。男左女右刺之。從針眼內出水者即愈。</p>	<p>針刺後一二日。其症即愈。</p>

針灸後狀態	針灸後禁忌	針灸後用藥	調養法	附記
兩腿無力。四肢發軟。出言無力。五六日後。其病即退矣。	禁忌生冷。食鹽。豬羊肉。百日內見房事。即死。須忌一年。	行濕補氣養血湯方。人參白朮陳皮當歸川芎白芍白茯苓蘇梗厚朴大腹皮萊菔子海金沙木香豬苓引用大棗生薑甘草煎服	榮養病百日後。此病再不復生。	復溜穴。是足少陰腎脈所行之經。腎屬水。故能清溼熱。利水道。以治其標。後用行溼補氣養血湯。以治其本。針藥相合。故能取效。

## 上海中醫雜誌出版預告

本會集合同志專以研究中國醫學發揚國粹爲宗旨

第一期雜誌現已付印準在臘月中旬出版內分專著學說醫案筆記衛生談釋疑錄諸門類約六七萬言發揮岐黃學理爲醫家病家必閱之書每冊定價大洋二角如蒙惠購請寄款至上海西門城內中醫學會中醫報發行部便當寄奉不悞郵票以一分三分爲限購寄通用寄費郵資三分

再者此書現已出版本會并代分銷 山西中醫改進研究會附識

中華民國十一年二月二十八日出版

編輯兼發行所

山西太原省城新民街即精營東二道街北首門牌第一號  
中 醫 改 進 研 究 會

信 實 進 取 愛 羣

## 注 意 一

本雜誌每兩月一冊全年六冊第一冊概係奉贈不取價值惟經費不充由第二冊起酌收價值列表於下如有閱訂者函達本會照寄

表	目	價			
零	半	全	年	年	年
售	年	年	六	六	六
一	三	三	冊	冊	冊
冊	冊	冊	大洋	大洋	大洋
一角五分	四角	八角			
費郵	費郵	費郵	九	分	分
一分半	四分半	分			

## 注 意 二

本雜誌為提倡醫藥學起見凡有著名醫家及經驗良好藥品願登廣告者列表於下

目	價	告	廣		
四	半	全	頁	價	目
分	頁	頁	數	日	
之	大	大	兩	月	一
一	洋	洋	期	半	年
大	二	四	三	期	三
洋	元	元	期	全	年
一	大	大	六	期	六
元	洋	洋	期		
大	五	十			
洋	元	元			
二	大	大			
元	洋	洋			
大	八	八			
洋	元	元			
三					
元					